

خطا يُعترف

رواية

شيماء خالد

داركتاب للنشر والتوزيع



مسئول النشر

طارق رمضان

مدير التوزيع

عمر عبد السميع

مدير العلاقات

مها عادل

الطبعة الأولى

الكتاب : خطأ لن يُغتفر

تأليف : شيماء خالد

تصنيف الكتاب : رواية

مصمم الغلاف : مروة صلاح

إخراج : أحمد عبد الرحمن

المقاس ٢٠ × ١٤

رقم الإيداع : ٢٣٩٠٦ / ٢٠١٨

الترقيم الدولي : 0 - 44 - 6597 - 977 - 978

جميع الحقوق محفوظة

all rights reserved . no part of this book may be reproduced ' stored in aretrieval system , or transmitted in any from or by any means without prior permission in writing of the publisher .

جميع الحقوق محفوظة لا يسمح بإعادة إصدار هذا الكتاب أو أي جزء منه أو تخزينه في نطاق استعادة المعلومات أو نقله بأي شكل من الأشكال ، دون إذن خطي مسبق من الناشر .

العنوان : ٤٧ تقاطع الفلكي مع محمد محمود - القاهرة - مصر

التليفون : ٠١٠٩٧٥٥٣٣٢٨

Email : darkitabone@gmail.com

إهداء

لم يكن في مخيلتي يوماً أن أكتب رواية بأحداث واقعية
لأشخاص تعيش بيننا لذا
ليكن إهدائي هذا لصاحب الفضل في كتابة تلك الرواية

شكر وتقدير

لمن راؤنا ننطفئ فصربروا ومكثوا وتحملوا حتى أناروا
عتمتنا سنبقى بخير مادمتم موجودين



مقدمة

أدركت مؤخراً أن كل منا بحاجة إلى فرصة ثانية، لا لنعود لألم عشناه، ولا لماضي أوجعنا، ولا لكل تلك الخيبات؛ بل بحاجة إلى فرصة لنغلق كل أبواب الذكريات ونسامح أنفسنا على أى شئ إقترفناه، وننطلق بكل ما أوتينا من قوة لحاضر نعيشه كما نريد، لا كما يريدنا. ولنستجمع قوتنا مجدداً: نحتاج أن نمنح أنفسنا الفرصة للخوض بمعركة جديدة مع الحياة؛ نحن من نضع نهايتها لا نتوقف أمام تجربة فشلت. فكل شئ نزفته أرواحنا لا بد أن يُعالج، فوجدتك أنت دوائي.



الفصل الأول

في غرفة مظلمة تُشبه حياة ساكتها تصدر أصوات أنين
وبكاء فتاة تتضرع إلى الله في صلاتها، يكاد قلبها ينفطر من
كثرة البكاء، أنهت صلاتها وظلت بمكانها تستغفر الله على
ما أفسدت في حياتها السابقة، وصل صوت بكائها لذلك
الشاب الأجنبي ذو العيون الزرقاء والشعر الأصفر، فوقف
على باب غرفتها متردد في السؤال ثم قال بصوته الدافئ:
- حياء إنتي كويسه؟

حياء فتاة بسيطة الملامح بقوام ممشوق ذات بشرة
بيضاء، وعيون بنية، أنفها حاد، تحمل غماسة واحدة بخدها
الأيسر، ذات شعر بنى فاتح يميل إلى الحمرة.
انتفضت من مكانها ومسحت دموعها حينما سمعت
صوته وقالت بصوت يكاد يُسمع:



- أنا تمام يا آدم.

فكر آدم للحظات، هل يطلب منها أن تدخله إلى غرفتها ليتحدث معها ثم قال بتردد:

- ممكن نتكلم شويه؟

صمتت حياء فهي لا تريد الأفراد بالجلوس معه فبرغم كونه زوجها إلا أن مساحة تعاملاتها محدودة جداً، بعد ثوانٍ قالت:

- تمام لحظة وخارجة.

ارتدت عباءتها السوداء، وحجابها، وخرجت إلى صالة كبيرة بها أثاث فخم توحى بجمال المنزل الذى تسكنه. اتجهت إلى الكرسي المجاور لآدم وجلست بتشاقل قائلةً:

- خير يا آدم؟

لم يُغطِ الحزن على عذوبة صوتها، بل زاد هدوئها عذوبة، تأمل آدم ملامحها الحزينة للحظات ثم قال مُشيرًا كبريائها ليستطيع التعامل معها:

- مالك يا حياء هو فيه حد غيرى زعلك؟

رفعت حاجبها ونظرت له بتمعن مضيقة عينيها ثم
قالت بنبرة حادة:

- هو إنت تقدر تزعلني اصلا!

تصنّع الجدية قائلاً:

- طبعاً يا بنتي، إنتي مستقلية بقدرتي الخارقة على
الاستفزاز ليه؟

ثم غير نبرته مُقلداً صوت محمد هنيدي

- تدرى يا حياء إيش الي تاغبني وواجع جلبى

ارتسمت ابتسامة على شفثيها فخفق قلبه وقال مكماً:

- أنا سبتك أسبوع، أسبوع واحد قلت البت هتفرح
بدل منا طابق على نفسها كدا ومن وقت مرجعتي من
مصر وإنتي على نفس الحالة كل يوم أسمعك تعيطى وأما
اسألك مالك تقوليلى يا مفيش يا تعمل نفسك نايمة.

نظرت له بتعجب قائلة:

- وإنت عرفت منين إنى بعمل نفسى نايمة!

عدّل ياقه قميصه وقال بغرور مصطنع:

- بحس بيكي يا بنتي مش مراقي وكدا.



ابتسمت حياء بسخرية وقالت بتهكم:

- مراتك لحد السنة متخلص

ثم صمتت لحظات وأكملت:

- دا حتى متكونش لحقت فى السنة دي تعرفنى كويس.

أخفى ألمه الذى شعر به بعد كلماتها الأخيرة؛ فكلما تذكر أنه سيأتى يوم وتحرر عصفورته، ويتهى إتفاق زواجهما، ألمه قلبه.

فلاش باك لحياة كل منهما بعد أول لقاء لهما على أرض أمريكا، بينما كان آدم خارج من منزله متجهاً إلى شركته الخاصة رآها بحجابها الأبيض، وستانها الموف كانت تشبه القمر ليلة إكمال بياضها الناصع، وعيناها التى لمعت مع إنعكاس الشمس فتحولت من اللون البنى للون العسلي، وملابسها الفضفاضة التى لم يعتدها كثيراً ببلد مثل أمريكا أعطتها جاذبية مختلفة عن الباقين. ظل آدم يترقب خطواتها البطيئة، وهى تجر حقائبها خلفها، وبدأت ملاحظتها تبتهت شيئاً فشيئاً حتى أصبح وجهها شاحب جداً، وضعت حياء يديها على رأسها وأغمضت عينيها ببطء وفجأة فقدت وعيها.

اقترب منها آدم بقلق قائلاً:

- يا آنسة سمعاني؟

لم تُجب حاول إفاقتها كثيراً، ولكن دون فائدة، فحملها وأدخلها إلى منزله، واتصل بمايكل صديقه وهو طبيب أمريكي الجنسية تعرف عليه أثناء مرض والده قبل وفاته.

- Hello Dr. Michael

- hello Adam how are you?

- I am fine. But I have a problem can you help me?

- sure what's happened with you?

أجابه بقلق قائلاً:

- I want you to come to my house now

- ok I am on my way

- Thanks see you

ظل آدم يتأمل ملامح حياء الهادئة التي أظهرت جنسيتها المصرية، وحجابها الذي جعلها تبدو كالملائكة، لقد أفتقد رؤية المصريين منذ أن أسתר بأمریکا، حتى أتت حياء لتثير حنينه لمصر، ولأمه وأخته الصغيرة التي أفتقدتهما بشدة،

ولكن طبيعة عمله، وإدارة شركة والده أجبرته على البقاء بأمريكا؛ أما والدته فبعد وفاة زوجها فضّلت العودة إلى مصر، والعيش بجانب أقربائها، فقد ألمتها الغربة.

وصل مايكل إلى منزل آدم، فوجده لا يزال مفتوحاً، ووجد آدم جالساً بجوار فتاة فاقدة للوعي في صالة المنزل، بمجرد أن رآه آدم طلب منه إسعافها سريعاً، فوافق وأخرج معداته الطبية، وبعد دقائق من الفحص أخبره أنها تعرضت لانخفاض بضغط الدم كتب له الأدوية المطلوبة، وانصرف لانشغاله.

خرج آدم معه، وأحضر الأدوية، وظل يوماً كاملاً بجوار حياء كي تستعيد وعيها، حتى أنه أعد لها الطعام لتتعا في سريعاً

حينما استعادت وعيها، ظلت تنظر حولها بتعجب فإذا هى بصالة فخمة أثاثها داكن كجو أمركا البارد، نظرت لآدم الذى يصوب وجهه تجاهها وابتسم بمجرد أن فتحت عينيها، وقال بسعادة:

- إنتى كويسة؟

حياء بتعجب وصوت رقيق مخفضة بصرها عنه:

- إنت مصري! أنا أول مره أقابل حد مصرى من وقت موصلت

أجابها بهدوء:

- أنا مامتى مصرية، لكن والدى أمريكى، فبعرف
أتكلم مصرى، إنتى عامله إيه دلوقتى؟

- الحمد لله أنا فين وجيت هنا إزاي؟

- أغمى عليكى بره، ولقيت معاكى شنطك فجبتك
هنا لحد متبقى كويسة.

نهضت حياء من جلستها، وقالت بصوتها الرقيق:

- أنا متشكرة أوى يا حضرت.

نظر لعينيها مباشرة قائلاً:

- آدم اسمى آدم.

سحبت عينيها للفراغ كي تبعد نظراته عنها، وقالت
بنفس النبرة الهادئة:

- شكراً يا مستر آدم انا همشى بقي.

استوقفها بقلق قائلاً:

- تمشى تروحي فين الساعة ٢ بالليل.

حياء بتوتر:

- اتنين! ما مينفعش أفضل معاك في مكان واحد.

رد بمزاح:

- ليه أنا مباكلكش بنى آدمين على فكرة.

قالت بجدية:

- أنا شاكرة ذوق حضرتك، بس فعلا مينفعش أكون معاك في مكان لوحدنا، أنا همشي.

نهضت لترحل فوضع يديه أمامها ليوقفها قائلاً:

- بوراحه يا حاجة إنتى واخده في وشك ورايحة فين؟

رفعت حاجبها وتعجبت من أسلوبه قائلة:

- هو أنا في أمريكا صح؟

أجاب بابتسامة:

- احم أيون.

أكملت بجديتها:

- طيب أنا كنت بتأكد بس أنا همشى بقي.

سألها بقلق:

- إنتى هتروحي فين دلوقتى؟

- مش عارفه.

- ليكى حد في امريكا؟

- لا.

- أمال بتعملى إيه هنا؟

تنهدت وقالت:

- أنا دى آخر سنة ليا فى كلية الهندسة، والجامعة عملت
منحة لى طالع الأول إنه ياخذ سنته الأخيرة فى أمريكا،
بس تكاليف الإقامة علينا، والسكن اللى كنت هقعد فيه
معجبنيش، ومش عارفه أوصل لسكن بسرعة.

- يعنى مشكلتك سكن، طيب ممكن تقعدى هنا لبكرة
على مشوفلك سكن جمب الجامعة، ولو على وجودى
معاكى؛ فتقدرى تدخل الأوضة دى وتقفلى على نفسك لحد
الصبح، وأنا كدا كدا أوضتى فوق مش هنزل.

صمتت مفكرة ثم قالت بهدوء:

- طيب ماشي وشكرا مره تانية.

- عفوا بس أنا لسه معرفتش اسمك؟

قالت بصوت رقيق:

- حياء.

ردد الاسم بابتسامة، وصوت هاديء:

- حياء امم اسم على مسمى.

تجاهلت صوته وقالت بهدوء:

- بعد إذنك.

- طبعاً اتفضلي.

توجهت إلى الغرفة التي كانت أمامها، وأغلقتها من الداخل، ثم نظرت حولها، فإذا هي غرفة بها سرير أسود كبير، ودولاب أبيض بزجاج خارجي، ومكتب معلق فوقه أرفف لوضع الكتب. جلست على السرير تتأمل الغرفة بهدوء لقد بهرت حياء بجمال الغرفة، وذوق آدم الرفيع في تنسيق الألوان؛ ولكن لم يدم انبهارها طويلاً فما هي إلا لحظات وغطت في ثبات عميق.

وفي الصباح، خرجت حياء ففوجئت بآدم أمامها يرتدى بذلة سوداء ويضع رائحة جذابة نفذت إلى أنفها وقال لها بابتسامته العذبة التي لم تدقق بها حتى:

- عاملة إليه دلوقتي ؟

قالت بإمتنان:

- الحمد لله أحسن كثير شكراً على اللي عملته معايا أنا همشي بقا.

- خليكى فى البيت أنا هروح الشركة ولما أجى ندور على سكن ليكى.

قالت بجديّة:

- أنا احترمت عرضك إنى أبات إمبارح علشان الوقت، بس أنا فعلا مش هينفع أقعد معاك أكثر من كده علشان خاطر ربنا مش إنت مسلم بردو؟
نظر إليها بتعجب وقال:

- آه الحمد لله، بس أنا بقولك إنى اصلا خارج!

- لأ معلش أنا همشي أنا.

كلما نظر آدم إلى حياء هربت عينيها من نظراته فلم يترك حيائها قلبه إلا بعد أن نبض بها وأعلن ميلاد تعلق جديد بحياته.

فاجئها آدم بطلب غريب حتى هو لم يصدق ما قاله، كل ما شعر به أنه لا يريد رحيلها.

- تتجوزيني؟

انتفض قلبها كأن شيئاً تحطم بداخله، وعادت الذكريات نفسها إلى عقلها المرهق كم بذلت من قصارى جهدها كي تفوز بالمنحة كي تبعد لتنسى كل ما مرت به ولا زال الشوق يمزقها ويعصر قلبها ألماً، برغم كل شيء، اشتاقت إلى هذا الزائر الغريب القريب الذي إحتل قلبها، وحطم أسواره اشتاقت لأنفاسه، وضحكاته، ودفع صوته، وحديثها معه حتى الصباح، ولكن كان مثله مثل أى شيء نريده لا يبقى؛ اختفي واختفت بعده ضحكاتها، وروحها المرحّة، كالوردة الذابلة أصبحت واقفة في منتصف الطريق تلملم شتاتها بعده لا ذكريات ترحم، ولا نبض يهدأ، ولا ضجيج عقل يصمت، ماذا فعل بقلبها لتعانى كل هذا ألا لم حتي بعدما افترقا! وها هي الآن تسمع الكلمة التي طالما تمنّت سماعها من حبيبها؛ ولكن حبها له أفقدها الثقة بنفسها فما كان من عقلها إلا أن تسأل لماذا أنا وهو لا يعرفني حتى ليطلب طلب كهذا! ما لبثت حتى أتتها الإجابة من عقلها أن إهتمامه بها ما هو إلا شفقة منه كي لا تكون بمفردها.

نظر آدم إلى وجهها الذى شحب فظنها ستفقد وعيها
مجددا فسألها بقلق:

- حياء إنتى كويسه؟

كان عقلها تائه بعالم آخر فظلت صامته ولكن قلبها أبا
أن يصمت فتوترت نبضاته لتكمل عينيها حديثه وتسيل
منهما الدموع قلق آدم فأمسك بيدها مستفهما عن ما بها،
سرت رجفة بجسدها وإنبهت لوجوده، فأبعدت يديها
سريعا ثم قالت بانفعال:

- إنت اتجننت ولا إيه أنا فكرتك عاقل، وبعدين
هو إنت تعرفني اصلا! لو صعبان عليك إنى هكون
لوحدى، متقلقش أنا اصلا طول حياتى عايشة لوحدى
ياريت تسيبنى أمشى بقي.

جلس آدم على الأريكة بجوارها وقال :

- إنتى فى أمريكا يا حياء، الحياة هنا مش زي مصر،
ومحتاجه حد جنبك مش هتعرفى تتعاملى لوحداك، والعيشة
فى أمريكا ليكي كبت مش سهله زي م إنتى متخيله. أنا
مكتتش هطلب منك أى حقوق زوجية يعنى مجرد ورقة
تخليكي تقدرى تعيشي معايا السنة دي من غير منغضب
ربنا.

قالت بنبرة ساخرة:

- هبله أنا هو افق على واحد معروفش أتجوزه! م إنت ممكن تكون أوسخ منهم.

نظر إليها بإستياء قائلاً:

- إنتى ناسية إنك فى بيتى من إمبارح لو عايز أئذيكى كنتى قدامى إمبارح لا حول لكى ولا قوة مش هدبس نفسى فى جوازى منك وبعدين فيه آنسه راقية الأولى على دفعتها فى أمريكا تقول تكون أوسخ!.

لم تجد ما تقول فمعه حق لو أراد لها شرا ما كان ليتركها حتى الآن قالت بعفوية ملطفة من الأجواء:

- هو يعنى فيه واحد فى أمريكا يقول بوراحه! والله ولا أصدق إنه جاي من شبرا.

انفجر آدم ضاحكاً وقال ببراءة:

- الواحد لازم يبقا مختلف يا أخت حياء، ها المهم نجيب المأذون إمتى؟

رمقته نظرة نارية وقالت:

- ممكن تسكت لو سمحت؟

قال بهدوء:

- فكري في كلامي، ممكن تبقى مراقي لو حيتي وقبل
مترجعي بلدك نتطلق علشان أحافظ عليكِ هنا مش أكثر

ردت بإنفعال:

- إنت سيكولوجيكال مش مضبوط على فكره.

- يعني أنا مجنون؟

- آه، أنا ماشية

تحركت بإتجاه الباب فوقف آدم أمامها وقال:

- طيب ده كان مجرد اقتراح، دلوقتي بقي إنتي هتعملي
إيه؟ وهتروحي فين؟

قالت غير مبالية به:

- أنا هتصرف وأشوف مكان.

- إنتي ليه عنيدة كده ده وحش علشانك كبت
صدقيني.

قالت بتهكم:

- أحسن من إني أدى فرصة لحد يفرض نفسه على
حياتي بعد إذنك.

لقد أدرك أنها ترمى إليه بجملتها الأخيرة ولكنها
في الحقيقة كانت تؤنب نفسها على شخصيتها القديمة
وتساهالاتها التي جعلت حياتها تقف طويلاً.

حاول جاهداً منعها من المغادرة؛ ولكن صممت على
موقفها وغادرت تاركة منزله ليعود لبرود أمريكا من
جديد، نزعت منه الدفيء الذي شعر به بوجودها، ولسوء
الحظ أنها لم تقبل حتى بأن يوصلها أو يبحث لها عن سكن.
ذهبت ولم يعلم أين ستذهب؛ ولكن ما جعله يطمئن أنها
قد أخبرته بأنها ستكمل هذا العام بكلية الهندسة.

لأسبوع ظل آدم يتردد يومياً على الجامعة دون فائدة
وكلما سأل عليها أخبروه أنها لم تأت وفي اليوم السابع بعد
مغادرتها له عاد آدم الى منزله فاقداً الأمل في إيجادها ولكن
ما لبث أن رأى شيئاً فاجئه فقد وجد حياء جالسة أمام
منزله شاحبة جداً كما اعتاد فسألها بقلق:

- إنتى كنتى فين أنا بقالي أسبوع بدور عليكى؟

قالت بصوت مختنق:

- أنا موافقة أتجوزك

أرتجف قلبه الذى تعلق بها من الوهلة الأولى فقال
محاولاً التأكد:

- نعم يا حياء بتقولي إيه؟

ردت بنفس النبرة الحزينة وهي تنظر تحت قدميها:

- أنا موافقة أتجوزك، مش هعرف أعيش في البلد دي لوحدي، بس الجواز ده مش هيبقي مطلوب منى فيه أي واجبات زوجية؛ لأن بعد السنة دي هتطلقنى وأسافر.

تنهد آدم بارتياح وطلب منها إكمال حديثهم بالداخل إلا أنها أبت أن تتواجد بمفردها معه قبل أن يعقد قرانها، وافقها آدم الذي لم يرتب لأي شيء مما يحدث بحياته، وماذا تخبئ الحياة لكل منهما.

توجه آدم للسفارة مع حياء التي أبت أن تتركب معه بسيارته وصممت أن يستقلوا سيارة أجرة فسألها في الطريق:

- حياء هو إانتى تعاملك كده مع أي واحد؟

أجابت بهدوء:

- يعنى إيه؟

تأملها لحظات وقال:

- عينيكي دايما تهرب منى لما يبصلك، هدوئك الزايد عن الحد غريب، ردودك محدودة مش بتطولى في الكلام، وقافلة على نفسك أوي.

قالت بهدوء:

- الدين أمرنا بغض البصر دا أولاً، ومفيش كلام غير للضرورة دا ثانياً، أما إنى قافلة على نفسى فدا أفضل بالنسبالي أنا بحب نفسى كده.

إجابتها كانت مختصرة جداً حتى لا يطيل الكلام فلم يجد ما يقول حيائها أربك ثبات قلبه، وبدون سابق إنذار ألقّت شباكها عليه. وصلاً للسفارة وتم عقد القران، وبرغم علم آدم أنه مجرد زواج ورقى؛ إلا أن السعادة تمكنت من قلبه فطلب منها أن يتمشوا قليلاً ليتحدثوا معاً؛ ولكن حياء على عكسه تماماً لم تشعر بأى جديد بحياتها، ولم تعطي للأمر أدنى نسبة إهتمام، مجرد تجربة جديدة ستمر بحياتها لن تأخذ منها ولا من تفكيرها ولا من مشاعرها المرهقة شيء؛ لكنها وافقت فقد كانت الأيام الماضية شاقة على نفسها، جعلتها تتغير من سيء لأسوأ وأثناء سيرهم قال آدم معاتباً:

- أنا قلقت عليكى جداً على فكرة الأسبوع ده كنتى فين؟

قالت بإنفعال بعدما تذكرت المنزل الذى مكثت به والتسيب الذى رآته:

- الناس هنا مقرفة مش عارفه اتعامل الدنيا سايبه كده
وحاسة إني تايهة، التأقلم صعب هنا.

سألها بفضول:

- حصل معاكي حاجة لما مشيتي؟

أجابته بتلعثم:

- آه لأ مش عارفه محصلش معايا أنا بس كنت يوميا
بسمع أصوات بنات وشباب وحاجه آخر مياعة يعني
الواحد بيحافظ على أخلاقه في البيئة دي إزاي مش فاهمة!

- بمبادئك، لو ليكي مبادئ مبتتهزش عمرك ما
هتتغيري

قالت بتوتر:

- حتى أقوى الناس بيجيلها وقت وتضعف، بيجيلها
وقت ومبادئها تتغير، ممكن بسبب ناس حبتهم، أو ممكن
لمواقف وقفت حياتهم.

أكمل آدم على كلامها:

- الغلط هنا مش بيكون من اللى جوههم يا حياء،
الغلط إننا نمكن أى حد من نقط ضعفنا مهما كان أقرب
حد لينا، الوقت اللى تحسي إنك موجوعة ومحتاجة تحكى

روحى لربنا صلى ودمعى كثير وانفجرتى وقولى كل حاجة عندك بس وإنتى فى أوضتك لكن بره أوضتك إنتى أقوى شخصية ممكن حد يشوفها ويتعامل معاها علشان محدش يعرف فى يوم يكسرك.

قالت بإبتسامة ساخرة:

- معاك حق، بس المشكلة فينا كبشر إلا ما رحم ربي
يعنى إننا لما بنحب بنحب بكل طاقتنا، بندى كل اللى
عندنا متوقعين إننا هنلاقى المثل، بنحاول نفرح نفسنا
باللحظات اللى بتجمعنا باللى بنحبهم لأقصى مدى،
وبنكتشف فى الآخر إن فى طرف بيدي وطرف بياخد من
غير مقابل.

- دا سوء إختيار للشخص اللى حبيته سواء أخ صديق
أو حبيب، لازم تدرسى عيوبه قبل متركزى فى كل المميزات
من البداية لأن الضوء اللى ساطع منه وعاميكي هيجيله
يوم ويتلاشي وقتها هتحسى إنك بتعامل مع انسان
متعريفهوش وقتها هتقفى ضايعة فى النص بين إنك تكمل
مع الشخصية الجديدة اللى فجأه إكتشفتيها وهتكمل لأن
مشاعرك مش هتصدق غير الحلو اللى شافته فى الأول لحد
مشاعرك ترهق تماما، أو إنك تبعدى والقرار دا هيبقى
ميمت بعد التعلق.

شعرت حياء بالاختناق وقالت بهدوء:

- يلا نروح بقي أنا عايزه أنام.

أوما برأسه إيجابا وتوجهوا إلى المنزل

وحينما وصلا إلى المنزل فتحت حياء حاسوبها، وتواصلت مع صديقتها آيات، فتحت الكاميرا، ثم أعدلت جلستها وظلت تتحدث معها

- حياء أخبارك؟

- أنا تمام يا يوكا إنتى عاملة إيه طمنيني عليكى؟

- أنا تمام.

- وبشمهندس يوسف أخباره إيه؟

يوسف هو خطيب آيات صديقة حياء المقربة، معيد بكلية الهندسة والصديق المقرب لعمر حبيب حياء معروف بروحه المرحّة ليعبر إلى قلب أي شخص يتعامل معه سريعاً.

- مش عارفه أوصله بقالى يومين.

- إشمعنا يعنى؟

إرتبكت آيات وقالت بتلعثم:

- مشغول.

قالت حياء بتشكيك:

- مالك شكلك مش مطمئني!

- لا يا حبيبتي مفيش حاجه.

قالت مضيقه عينيها:

- مخبيه إيه يا آيات؟ قرى واعترفي من امتي بنكذب!

قالت بإستسلام:

- عمر

انقبض قلب حياء وقالت بتوتر:

- ماله؟

تنهدت وقالت:

- عمل حادث وفي المستشفى دلوقتي ويوسف معاه من

يومين .

تجمدت حياء بمكانها كأن الزمان توقف عند اللحظة
التي مرض بها وهي تتحدث معه وأخبرها بتعبه قائلاً:

- أنا مصاب.

حياء بخضة متسائلة:

- مالك؟

لم يصلها رد فقد أختفى ظهوره على الواتساب ظلت
تتصل بهاتفه دون فائدة فأرسلت له على الهاتف بقلق:

- إنت روح فين رد عليا متسبنيش قلقانة كده.

أجابها بعد دقائق:

- تعبان أوي وشكلي مش نازل الجامعة الأسبوع دا،
الفاحة على وقف الحال.

صرخت به بإنفعال:

- إنت في إيه وبتفكر في إيه ارتاح دلوقتي أنا دايمًا
بقولك تاخد بالك من نفسك وإنت ولا هنا.

حينما سمعت تأوهاتة انقبض قلبها ودمعت عيناها ثم
قالت بحنان:

- طب إهدى وخذ أدوية وإرتاح.

سألها بتعجب:

- إنتي بتعيطي ليه دلوقتي؟

- عشان مش عارفه أعملك حاجة ياريتني أقدر أكون
جنبك علشان أخلي بالي منك.

كلما حاول إغلاق المكالمة لينام ترفض بشدة، وفي النهاية
استسلم لإصرارها فظلت معه بين ضحكات ومزاح
لتنسيه الألم

- شوف ربنا علشان قعدت تتريق عليا إني بقيت
بتعب كتير الفترة دي
بإبتسامة قال:

- إنتي فرحانه فيا بقي؟

ضحكت قائلة:

- أنا أقدر ده أنا متأثرة خالص أهوت.

- لا واضح.

ظلت معه حتى تأكدت أنه نام فنامت هي الأخرى.

لم تلاحظ أن آيات ما زالت موجودة حتى سمعت
صراخها وهى تقول بأعلى صوتها:

- حياء بكلمك ردى

أجابتها بصوت مختنق:

- أنا عايزه أشوفه.

آيات بتعجب:

- تشوفي مين يا ماما إنتى هبله! كفاياكى وجع قلب وعيشي حياتك إنتى فى أمريكا وبعدين زمان خطيته جنبه.

انقبض قلبها وقالت بأعين دامعة:

- أنا لازم أشوفه يا آيات إتصرفى.

- يا بنتى دا واحد باعك بدم بارد ده أنا مبقتش أطيقه بسببك إعقلي بقا متهينيش كرامتك أكثر من كدا كفايا ارحمى قلبك.

أغلقت حاسوبها وبكت بشدة، لقد تمزق قلبها إن كانت تلك نهاية قصة حبها فستظل بجواره إلى نهايتها، ستشبت بآخر لحظاتها معه كيف تعى أن كرامتها على المحك وهو متعب هكذا! وما أقسى الحياة حينما تجبر قلبك أن تعيش مع شخص لا تحبه، وأن تحب من ليس لك، ما أصعب فقدان روحك حينما تجبر على الابتعاد عن شخص بمثابة العالم لقلبك، هذا الذى وصلت به حد الإكتفاء هو الشخص نفسه الذى أجبرك على الفراق.

خرجت من غرفتها بعدما جففت دموعها ولكن أثر البكاء بدا على وجهها، كان آدم خارج من المطبخ يشرب الماء وحينما رآها سألها بقلق:

- مالك يا حياء إنتى معيطه؟

- أنا عايزه أرجع مصر وألغى المنحة.

قال بصدمة:

- نعم وداليه؟

تصنعت التماسك وقالت بهدوء:

- كده أنا عايزه أرجع مصر مش عايزه أفضل هنا.

- فيه سبب مخليكى عايزه ترجعى؟

- آه أنا لازم أرجع.

- ممكن أعرف السبب؟

- مش مهم السبب، المهم أنا لازم أرجع مصر.

- طيب ممكن تقعدى نتكلم؟

جلست على الكرسي المجاور وكسا البرود وجهها
ولكن لمحة الحزن بعينها لم يخفيها تماسكها جلس آدم
بجوارها وقال بصوت دافئ:

- مالك يا حياء؟

ظلت صامته فأمسك يديها المرتعشتين ليهدأ من روعها
وفجأة انفجرت باكية، انكمشت فى نفسها، وأرخت رأسها
علي قدميها، حينما رآها آدم على وشك الإنهيار قال بفرع:

- حياء فيه إيه إهدي

قالت برجاء دون توقف عن البكاء:

- رجعنى مصر أنا عايزه أرجع لو يوم واحد عايزه
أرجع أرجوك

ضغط على يديها قائلاً:

- من بكره هنزلك مصر أسبوع مش يوم واحد بس
لو مبطلتيش عياط مش هرجعك بجد
رفعت رأسها وقالت بعفوية:

- بجد هتخلينى أرجع طب احلف انك مش بتقول
كده عشان اسكت

ابتسم آدم من طريقتها الطفولية وربط على رأسها
بحنان قائلاً:

- وعد هنزلك مصر

مسحت دموعها وقالت بفرحة:

- بجد؟

- آه لو تحبى من بكره

- آه أحب والله.

حينما رأى فرحتها التى خطفته اتسعت ابتسامته وقال:

- تمام هجيبلك تذكرة ذهاب وعوده هاتى الباسبور
بتاعك بقى

وقفت بسرعة غير مصدقة وقالت:

- إنت بتتكلم بجد صح؟

- أيوه بجد جدا بس يلا بسرعه قبل ما أرجع فى رأى

- حاضر.

تحركت خطوات وعادت أدراجها قائلة:

- طب وإنت؟

- أنا هنزل معاكى مصر أروح أقعد مع مامتى وأختى
الأسبوع دا وآخر الأسبوع هكلمك عشان نرجع تمام؟

نظرت إليه بابتسامة:

- أنا مش عارفه أقولك إيه شكرًا يا آدم

أسرعت إلى غرفتها لتحضر جواز السفر وأعطته له.

خرج آدم شاردًا من تصميمها على الرجوع لماذا لم تخبره
عن ما تريد النزول من أجله والتخلي عن منحتها بسببه

لقد تركت الفضول يقتله ولكنه فضل أن يتركها تخبره
متى ما أرادت

بعد ساعات عاد آدم ليؤكد لها سفرهم على طائرة اليوم
التالى الساعة التاسعة صباحاً ثم نظر إليها وقال معاتباً:

- ياريت تخلى مستقبلك أهم حاجه فى حياتك لأن
هو اللى هيعليكى، وتشوفى أقل الحلول خسائر؛ عشان
مترجعيش تندمى على قرار متسرع أخديته، فرصة زي
دراستك هنا مكنتيش هتعرفى تعوضيهـا.

أجابت بأعين تلمع من السعادة:

- أنا بجد مش هنسى اللى عملته معايا

تأمل ملامحها لدقائق وقال بهدوء:

- المفروض إنك مراتى لازم أقف جنبك، قومى نامى
بقي علشان تعرفى تصحي.

- حاضر.

توجهت حياء إلى غرفتها وكذلك آدم صعد إلى غرفته
ليرتاح فكل ما يحدث بحياته أربك هدوئه المعتاد.

بعدما استيقظا، ذهب آدم ليعد الفطور بينما ترك
حياء تجهز حقائبها فوضعت بها ثلاثة فساتين بأحذيتهم،

واختارت من طرحها ما يليق بالفساتين، وضعتهم بشنطة صغيرة وتركت باقى أغراضها بالمنزل أما آدم فلم يأخذ شيئاً معه فملا بسه كما هي في مصر

خرجت مبتسمة قائلة:

- أنا جاهزة

- طب يلا نفطر عشان متأخرش

جلست على السفرة بسرعة

- حاضر يلا

دقائق قليلة وقفزت من مكانها وقالت باستعجال:

- يلا عشان متأخرش بقي؟

- أنا لحقت أكل يا بنتى!

تنحنحت محرجة:

- احم سورى

- اقعدى كملى أكلك

- لا شبع.

قال آدم بجدية:

- إنتى عارفه يا حياء

- نعم ؟

- لو مكملتش أكلك مفيش سفر أقعدي بطلى دلع

ابتسمت قائلة:

- أنا شبت بجد يلا بقى إنت اصلا خلصت الأكل

آدم باستسلام:

- مش هرد عليكى أنا عارف قلبي الحونين ده موديني

في داهية.

نهض من مكانه ووضع باقى الطعام بالثلاجة ثم
أخذ حقيبتها ووضعها بالسيارة. خرجت خلفه وجلست
بجواره صامته طيلة الطريق حتى بعدما وصلا إلى المطار
وركبا الطائرة نامت إلى أن أعلن وصولهم إلى مصر آدم
مداعبًا:

- حياء قومي احنا كده هنستنى نرجع أمريكا تانى

- هاه أنا فين

- احنا فى مصر إنتى عامله تعاقد مع النوم ولا ايه يلا

ننزل

- حاضر

كان آدم قد اتصل بإبن خالته وأخبره بأن ينتظره بالسيارة ويحضر سيارة أخرى معه، وبعدما نزلًا من الطائرة وقف آدم مع إسلام بينما ابتعدت حياء قليلاً قال إسلام بفرحة:

- اهلا يا مدير نورت مصر

ثم مال على آدم وقال:

- مين المزه؟

وكزه بكتفه فقال متألماً:

- آه بخريبتك لسه غشيم

آدم محذراً:

- اتلم

- حاضر ياعم مش عايز أعرف

كانت حياء تتابع المشهد بابتسامة وهى لا تفهم ما يدور بينهم فقال آدم لإسلام:

- أنا هروح مع السواق وإنْت شوف حياء هتروح
فين، وإياك تكلمها في الطريق فاهم؟

نظر له بريّة:

- مش مطمئنك.

سأله مجدداً بنبرة جدية:

- فاهم؟

- حاضر يا عم متزوقش كده.

ركب إسلام السيارة ووقف آدم ليتحدث مع حياء:

- سجليلي رقمك وإسلام هيوصلك عند آيات؛ لأنى
مبفهمش كثير فى مصر.

- تمام.

أخذت هاتفه لتسجل الرقم فأكمل حديثه:

- هبقي أتصل اتطمئن عليكي وخلي بالك من نفسك

- حاضر.

أوجزت كلامها معه وركبت السيارة منطلقة إلى منزل
آيات رفيقتها

وفى الطريق هاتفّت حياء آيات وأخبرتها برجوعها
للقاهرة وأنها متجهة لمنزلها فما كان من آيات إلا صرخت
على الهاتف

- سبتى المنحة؟
- حياء ضاحكة:
- لا هرجع بعد أسبوع.
- ردت متعجبة:
- إزاي يعني؟
- بعدين هفهمك سلام.
- يارب صبرنى على عنادها يارب سلام.
- ظل إسلام صامتاً طيلة الطريق وكذلك حياء وما إن وصلا قالت حياء بهدوء:
- شكراً
- عفوا يا آنسه، نحن فى الخدمة
- صعدت السلم وهي تقول بداخلها:
- قال آنسه قال أنا مدام مع وقف التنفيذ
- ثم انفجرت ضاحكة، وصلت إلى باب منزل آيات وطرقت عليه محدثة ضجة فخرجت آيات واحتضنتها بلهفة

- الحمد لله على سلامتك

- يلا نروح لبشمهندس يوسف المستشفى

آيات بجدية:

- لا يا حياء مينفعش

حياء برجاء:

- لأ ينفع عادى قوليله إنك قلقتى فروحتى تطمنى
عليه وبعدين انتى كان ليكي تعامل مع عمر يعنى هتقولى
إنك هتطمنى علي عمر عادى

- كلام مين ده كان زمان يا ماما انا حالياً مش طايقة
أشوفه قدامى ويستاهل بصراحة بعد اللى عمله فيكي

حياء بإصرار:

- يلا يا آيات ميقاش قلبك أسود المرض مفيهوش شماتة

- دماغك ناشفه قوليل الأول إزاي جايه أسبوع وراجعة تانى

- بعدين هحكيلك يلا بقا

- يا بنتى ارتاحى من السفر الأول

- يا آيات اخلصي

آيات بإستسلام:

- حاضر بطلی زن

انطلقت آيات وخلفها حياء متجهتين إلى المستشفى
وحينما وصلتاً دُهِش يوسف الواقف مع إخوه عمر
بالخارج:

- حياء إنتى مش سافرتى أمريكا

- احم آه منازي الققط

- رجعتى إزای

- ده موضوع يطول شرحه دكتورى العزيز

وكزت آيات بكتفها لتخلصها من يوسف فاقتربت
آيات منه لتطمئن عليه وحينما خرج الطبيب من غرفة
عمر أخبرهم أنه بحاجة لنقل دم ولكن فصيلته غير
موجودة بالمستشفى

حياء مستفهمة:

- فصيلته إيه؟

o -

تنهدت بإرتياح

- دى نفس فصيلتى أنا هتبرع

آيات بعصية:

- إنتى هبله يا بت ده إنتى لسا واصله من أمريكا
حالا زمانك أصلاً داخجة من الطيارة

قال الدكتور:

- لأ مينفعش أسحب منك دم إنتى كده هيغمى عليكي

- لأ أنا كويسه وممكن أمضى إنى مسؤله عن أي
مضاعفات تحصيلي عادي

كان الجميع يتابع ما يحدث في صمت بينما آيات تشتعل
غضباً من إصرارها، أما الطبيب فما كان منه إلا أن وافق
تحت ضغطها.

ذهبت حياء مع الطبيب إلى داخل الغرفة المتواجدها
عمر، ظلت الممرضة تسحب منها الدم بينما حياء لا تشعر
بشئ حولها هي فقط تنظر إليه بألم، ويمر على ذهنها كل
لحظاتها معاً، أول لقاء بينهما حينما كانت تتأمل ملامحه
وهو بجوارها ولا يشعر بنظراتها التي كادت تحترقه ثم
قالت بتلقائية:

- الله إنت عيونك عسلى؟

نظر إليها فأخفضت بصرها عنه قد كانت لا تقوى على
تحمل نظراته فقال ممازحا بعدما رسم ابتسامة أظهرت
غمازاته وزادت من جماله:

- لا برتقاني.

قالت بعفوية:

- إيه دا تصدق فعلا برتقاني

نظر إليها بصدمة وانفجر ضاحكا وقال:

- نعم!

أغمضت عينيها بألم كي تصرف الذكريات عنها ولكن
الذكرى تعشق الرجوع

تذكرت أصابعهما المتشابكة ببعضها وصوته الدافئ في
وقتٍ قررا فيه الإفتراق

- بلاش تمسكى في ايدي أوي هتوحشك

قالت بألم:

- تفكر بس ايدك الي هتوحشني

قفز إلى بالها آخر أيامها معه بعد ألم طويل عاشته وفي مكاملة
بينهما بعدما سمعت صرخات طفل بجواره فقالت بجدية:



- إنت إزای مشيلينك أطفال انت الى زيك حرام
يتعامل معاهم والله

قال ضاحكاً:

- احم هو إنتى شيفانى رخم أوى كده

- شور

ابتسمت بعفوية وأكمل عقلها إدراج الأحداث بينهما

- والله انتى أكثر حد بعامله حلو المفروض تفرحي

- أما دا الحلو بتاعك طب الوحش عامل ازای!

- لأ إنتى مجربتيهوش.

- تصدق أنا فعلاً المفروض أفرح أنا مش هنكمل.

أغمضت عينيهما بمرارة أكثر:

- احنا مينفعش نكمل مع بعض

- بس أنا بحبك ومش عايزه أكون مع حد تانى

- أنا موعدتكيش بحاجة

- كل لحظاتنا وعدتنى، إحساسك معايا وعدنى

- أنا صريح من البداية يمكن إنتى فهمتى غلط

- بس إنت حيتنى حتى لو مقلتهاش أنا حسيتها
- بس أنا هختار بعقلي مش بقلبى وبعدين مش يمكن
إحساسك غلط؟

انتهت الممرضة وما هى إلا لحظات وفقدت حياء وعيها.
بعد ساعات فتح عمر عينيه ليجد حياء على السرير
المقابل له وآيات بجوارها تبكى فقال بدهشة:
- حياء!

الممرضة بإبتسامة:

- دكتور عمر حمد الله على سلامتك ارتاح دلوقتى لأن
المجهود غلط على صحتك

ظل ينظر لحياء بتعجب وتجاهل نظرة آيات النارية له،
لقد علم مؤخراً أن حياء حصلت على المنحة وسافرت،
كيف عادت بعد آخر جرح سببه لها تلك الكانولا
بزراعها هل يعقل أن تبرعت بدمها له!

دخل الطبيب ليطن عليهم وقال بارتياح:

- الحمد لله الاتنين وضعهم مستقراً أنسه حياء شويه
وهتفوق

دخل يوسف ليطمئن على عمر فسأل عمر بصوت خافت:

- هي حياء جات ازاي؟

- أنا مش عارف بس متأكد إنها نزلت علشانك آيات قالت للدكتور إنها لسا واصله حالا من أمريكا

صمت عمر وأغمض عينيه بألم قائلاً:

- أنا كرهت الحب بسبب وجعها

تلك الجملة ذكرته بشئ بينهما وكأن الموقف يعيد نفسه.

- مش عايزه أى حاجة غير إننى أفضل جنبك أنا تعبانه

- افرضى الدوا بتاعى فيه سم

- أنا راضية أموت معاك، مش عايزه أعيش مع حد تانى.

- بطلى دموع بقي حرام عليكى أنا كرهت الحب بسببك.

حياء بتعجب:

- بسببي انا؟

- بسبب دموعك أنا نفسيّتي تعبت مش حابب أشوفك
كده وأنا مش عارف أعملك إيه؟

- تعرف تكون معايا

- مش هعرف

إنفجرت قائلة بين دموعها:

- ليه علقتنى بيك من البداية؟ أنا مكنتش بحب حد
عاملتني بطريقة تحلي اللى بيكرهك يحبك كنت حنين، ودافى،
كنت بتتهم بأدق تفاصيلي ليه بقيت كدا إيه القسوة دي
ومن إمتى البرود ده! أنا مبقتش عرفاك ولا بقيت عارفانى.

نظر إليها مجدداً وقال محدثاً نفسه:

- وبعدين فى اللى إنتى فيه دا يا حياء!

استيقظت حياء فقالت آيات بفرحة:

- حياء الحمد لله على سلامتك إنتى كويسه؟

نظرت لعمر غير مبالية فالتقت الأعين ببعضها، فخفق
قلبها وأخفضت بصرها دون إبداء أي ملامح تأثر على وجهها،

عادت آيات سؤالها:

- حبيبتي إنتى كويسة؟

أجابت بوهن:

- الحمد لله، يلا يا آيات عايزه أمشي.

- ارتاحي شوية علشان متدوخيش ويغمى عليكى تانى

- لأ أنا بقيت كويسه يلا نمشي بقي

- حاضر يا حياء.

ساعدتها في النهوض وحينما وقفت قال عمر بصوت
يكاد يُسمع:

- حياء لحظة

تمردت نبضات قلبها بين اشتياقها له وجرحها وألمها منه.

طلب من يوسف أن يأخذ آيات للخارج، وبعد
محاولات كثيرة بينه وبين آيات وهي مصممة ألا تخرج
أشارت لها حياء أنها ستكون بخير فخرجت وبعد لحظات
صرخت آيات بوجه يوسف:

- أنا إزاي أسيبها تتكلم معاه تانى بعد اللى زفته فى
حياتها، إنت خرجتنى ليه اصلاً؟

- إهدى يا آيات

- مه داش ولا اتنيل كفايا الى حصلها منه يحرق الحب
الي يجيب وجع القلب ده

- هى كملت ليه وهى عارفه إنه مش هيكمل!

- كان عندها أمل يتغير، كانت خايفه تبعد لأنها بتجبه إنت
فكر ك هي محاولتش تبعد بدل المرة ألف؟ كل متبعد كانت
تنهار وأما تبدأ تتأقلم؛ صاحبك يرجع تانى يفكرها بيه.

صمتت لحظة وقالت بفتور

- تصدق بالله يا يوسف؛ والله لو خرجت متضايقه
مهكلمك تانى.

يوسف بصدمة:

- نهارك ألوان أنا مالى ميولعو فى بعض

- إنت مش صاحبه أسكت بقا عشان منفجرش فيك.

تنحنح قائلاً:

- احم حبيبتي هو انتى لسه منفجر تيش؟

- اسكت يا يوسف بجد هنفجر

- طيب أقعدى على متخرج

جلست دون أن تجيبه



أما حياء تركت باب غرفته مفتوحاً كي لا تكون بمفردها معه وجلست فقال بهدوء:

- سامحيني سواء جرحتك بقصد أو بدون قصد

قالت ببرود:

- جرحني إزاي يعني! أنا محدش يقدر يجرحني.

- إنتي ليه رجعتي إنتي لسه بتحبينى يا حياء؟

- أنا لو بحبك شوية فأنا بكرهك قد كل الأذى اللي أذيتهاولى، قد الجرح اللي قتللك إنه أكثر حاجه جرحتنى فى حياتى فحطيت لمساتك عليه وفتحته من جديد علشان يجرحني، قد السنة اللي استنيت فى نهايتها أحقق أحلام كثير وفجأه بسببك لقيت أحلامى كلها بتنهار، صحتى بتدمر، ومستقبلى على المحك، وطلعت بحب شخصية مزيفة، قد طاقتى اللي استنفذتها ومبقتش طايقة أتعامل مع واحد بعدك أنت كنت فى حياتى الأسوأ على الإطلاق عمرك ما إحترمت مشاعري، ولا إحترمت حبنى ليك، دا انت حتى معملتش إحترام للعشرة إى بيننا أنت حرام يتزعل عليك يومين لأن مشاعرك كانت مزيفة، وكلامك كله كذب فى كذب لتكون فاكراً إن دمنى الى بييجرى

جواك دلوقتى دا حبا فيك، لا خالص دا علشان يغير
برود دمك، يمكن يغير حاجه في إحساسك وتفهم إن الي
بيننا مش مجرد لحظات عابرة ببساطة إنت دوست عليها،
ومن رحمة ربنا بيا إنه عرفنى إنك واحد معندوش قلب
كنت هظلم نفسي لو عشت معاه. عارف أنا كنت كنز
إنت عمرك مهتחס قيمته دلوقتى لأن غلطى الوحيد إنى
ضعفت لما حبيتك ولأن المحب لمن يحب مطيع ودى كانت
المرّة الأولى الى أتعلق فيها بحد وأخاف من بعده فكنت
مريجة وبسمع كلامك، متعاملتش معاك زي باقي الناس
فى حياتى، بس الى أنا متأكدة منه إنك لو عشت عمر
فوق عمرك مش هتلاقى الشخص الى يحبك حبي ومش
بس كده، مش هتلاقى مميزاتى فى حد، من الآخر يا سيد
عمر مش هتلاقى أم تداويك وقت تعبك وأخت جيبك
وقت خنقتك، وحبيبة وقت رومانسيتك، وصاحبة واقفة
جيبك لما تحتاج صاحب، وشخصية ناجحة وليها كيان أى
حد يتمنى يكون زيها فإنت الخسران مش أنا عشان كده
بقولك حججك المزيفة وحساباتك الى ملهاش لازمه فى
إختيار شريكة حياتك إذربما تندم عليها قدام وحتى لو
محستش أبدا بقيمة وجودى فأنا واثقة إن أنا الى كسبت
بخسارتى ليك فمتسألنيش عن حبك لأنى حبيتك بقلب أم

وكرهتك بعقل عدو الوقت كفيل يعالج بس الوقت مش
هيخليني أسامحك أبداً.

قال ببروده الذى إعتادته:

- أنا مغلطتش فى حقك، غلطك إنك معرفتيش تتأقلمي
مع كوني مش حبيبك

- أنا كنت عارفه اللى عايزاه وهو إنى أفضل جمبك
وكنت بعمله، الدور والباقي عليك من البداية كنت
عارف اللى عايزه وتعمل عكسه، فيوم قتلتي حياتك مش
مريحه وزحمة مع إن حياتي كانت بسيطة جدا واتعقدت
بسببك، دلوقتي تسمحلى أقولك: حياتك لا تطاق تعاقد
حياتك عدت حياتي بمراحل دكتورى العزيز وأنا متمناش
أعيش الحياة دي وأحكم على نفسي بالعذاب فى سبيل حب
أديته للشخص الغلط

نهضت من مكانها وقالت بهدوء:

- فى كل مرة بينا كنت بتتكلم وأنا بسمع دلوقتي أعذرني
لأنى فعلا مش محتاجة أسمع منك أى حاجه لأن فى الحقيقة
مش هصدق أى حاجه هتقولها، ودى آخر مره هيكون فيه
كلام بينا أتمنالك حياه مريحة مع اللى إختارها بعقلك.

أنهت جملتها الأخيرة وأسرعت خارج الغرفة قبل أن يستوعب كل ما قالت كي تمنع نفسها من سماع ردوده الباردة تركته بين كلماتها اللازعة وتعجبه من تغيرها والقوة التي لم يعتدها منها

ظلت بجوار آيات طيلة الأسبوع فكان يصلها أخبار تحسن عمر من يوسف، أما آدم فظل يطمئن عليها يوميًا عبر الهاتف حتى إنتهى الأسبوع وسافرت معه مجددًا. نعود لحياة الجلاسة مع آدم:

- حياء ممكن تحكي لي إيه اللي مضايقتك من وقت مرجعنا؟

صمتت ولم تجب فقال:

- طيب أنا مش هضغط عليك بس توعديني تحكي لي مالك في أقرب وقت؟

ارتسمت ابتسامة مزيفة على شفيتها وقالت بوهن:

- حاضر أوعدك

نهضت لتذهب فتصنع الحزن قائلاً:

- بس تعرفي إنك هتبقى زوجة فاشلة

وضعت يديها على خسرهما كالأطفال وقالت:

- مين دي ده أنا جوزي هيحلف إنه مشافش قبلي ولا
هيشوف بعدي.

ضحك وقال:

- طبعاً طبعاً حتى جوزك دلوقتى هيموت وياكل وإننى
سيباه وقاعدة تعطي جوه، عندنا الحريم مبتعيطش إلا أما
جوزها يموت
قالت بعفوية:

- لا أنا أقصد جوزي الحقيقي اللى هتجوزه بجد أما
أرجع مصرأنا هقوم أعمل أكل

صمت كأن الكلام توقف بحلقة. إن مرور الأيام بسرعة
مع من نحب تجعلنا نريد أن نوقف الزمان حتى لا يمر
خشية فقدانهم حتى لا تنتهى تلك السعادة المتواضعة التى
بمنحوها لنا.

قال بصوت مختنق:

- أنا مش عايز أكل أنا هنام

سألته بتعجب:

- تنام إزاي مش كنت جعان دلوقتي؟

كان يريد أن يجيب ولكنه إختنق فتركها وصعد إلى غرفته
فقررت إعداد الطعام وإدخالها له بنفسها.

حينما صعد آدم الى غرفته لم يكن يعلم لم عاملها بهذا
الجفاء، وجودها أصبح يشكل مصدر سعادة بالنسبة إليه
قال محدثا نفسه:

- انا هتجنن انا ليه مهتم، ليه كل أما أفكر إن الوقت
بيبعدى والسنة هتخلص وتبعد اتخنق انا أعرفها منين
اصلا عشان أزعل انها هتمشي أنا بجد حبيتها!، لا حب
ايه اكيد محبتهاش انا معرفش حاجه عنها دا حتى معرفش
أهلها فين واخواتها مين ولا أي بتنجان وبعدين يعنى أنا
من إمتى بحب اصلا أنا مش فاضي للكلام ده، طب
ممكن تجبك وتكمل يارب أنا تعبت دبرها من عندك
أنا حتى مش عارف أتعامل معاها حتى بعد متجوزنا.

بينما هو شارذ يحدث نفسه سمع طرقات الباب
فاضطربت نبضات قلبه وقال بهدوء:

- إدخلي يا حياء

قالت بصوتها الرقيق:

- أنا شايله الأكل ممكن تفتح

فتح باب غرفته بلهفة حاول إخفائها وقال:

- بس أنا مش جعان أنا كنت بهزر معاك.

- طب أنا على الباب ممكن ادخل؟

تنحنح قائلاً:

- احم آه طبعاً أنا أسف اتفضلي.

ثم سألت بجديتها التي أعتادها:

- مالك أنا عملت حاجة تحت ضايقتك وأنا مش
واخده بالي؟ لو وجودي مضايقتك ممكن ننفصل وأمشي،
ممكن مكنتش متخيل صعوبة قرار إني أعيش معاك.

قاطعها قائلاً:

- متضايق إيه مش أما أحس إني عايش مع حد عشان
أزعل قاعده طول النهار في أوضتك إهيه إهيه ولا فاهم
أي حاجة

ضحكت حياء على أسلوبه الساخر وقالت:

- تصدق أنا غلطانه إني عملتك الأكل.

ثم نهضت وتحركت بإتجاه المكتب، فسألها بتعجب:

- واخذه الأكل ورايحه فين؟

أجابت بغرور مصطنع:

- أنا اللي تكرمت وتنازلت وعملت الأكل إبقا شوف
أنهي بتاعه بقي هتعملك الأكل.

أمسك يديها فأرتعشت إثر لمسته وكاد الطعام أن يسقط
وقال بطريقة طفولية متجاهل إحساسه برعشتها كي لا
يزيد من توترها:

- بليز يا خالتو أنا واقع م الجوع سيبي الأكل آخر مره.

ضحكت ووضعت الطعام مرة أخرى وقالت بعفوية:

- حسناً، عفوت عنك.

تحركت باتجاه الباب فساءها:

- إنتى مش هتاكلى معايا ولا إيه؟

- لا أنا مش جعانه عملتلى عصير هشر به وأذاكر لأنى
ضيعت محاضراتي الأسبوع الى فات.

قال بجدية:

- مفيش يا ماما الكلام ده إنتى عايزه الناس تاكل وشي
وتقول إنى مجموع مراتي؟ لا يمكن لازم تاكلى معايا

قالت بابتسامة هادئة:

- صدقني مش جعانه لو جعانه كنت أكلت

قال بيأس:

- طيب زي متحبي بس كنت عايز اسألك في سؤال

محيرني

- اتفضل.

- إنتى علطول دبش في تعاملاتك ولا انا بس الى

بتعامليله بقرف أصلى باخد دش كل يوم فعشان أعرف

أحدد وضعي يعني

ابتسمت بعفوية وغادرت الغرفة دون أن تجيب.

ظل ينظر لمكان خروجها متخيل ابتسامتها وهو شارد

ومبتسم ببلاهة:

بينما حياء ذهبت لغرفتها ولم تستطيع أن تذاكر فشح

ذكرياته يطاردها حتى وهو بعيد عنها، حتى وكل الأبواب

للرجوع أغلقت. هل يمكن أن تكره ذلك الشخص الذى

لا تعشق غيره فتعيش بمشاعر متضادة تفقدك لذة الحياة لا

أنت تنسى، ولا أبدا ستقترب. تظل عالقا بين ذكرى وأخرى

حتى تُستنفذ أحاسيسك كليا، وتموت روحك، وتبقى

أنت بجسد حي. هل كان جزاء أن نموت كوننا أحيينا!
أما كان جزاء الإحسان إحساناً؟ لماذا كان جزاء حبنا ذلك
الجرح الذى لا يطيّب! كيف نسامح من إستهلكونا حتى
أهلكونا وما زال هذا القلب الساذج ينبض لهم، ويراقبهم
بعين أم تظلل على أولادها فإذا تواروا عنها قليلاً أشعل
القلق نيران قلبها بربكم أيرضىكم ما أحدثتم؟ أم نحن
من أوجعنا أنفسنا بعد تصديقكم، برغم أن لن تعنيكم
أوجاعنا، وبرغم فقداننا الثقة بأي انسان بعدما أفسدتم،
برغم كل شئ افتقدناكم لا سأمحكم الله على هذا الألم.
نام كل من آدم وحياء وكل منهما شارد بعالمه الخاص وفي
الصباح ذهب آدم ليوخطها:

- حياء

أتاه صوتها الناعس من الغرفة قائلة:

- نعم يا آدم؟

- ممكن ادخل؟

- ماشي.

حينما دخل الغرفة أشعل الأضواء فسحبت الغطاء على
وجهها وقالت بتأفف:

- إطفئ النور
- قومي علشان الجامعة
- ليه؟
- جالك زهايمر ولا إيه قومي يا بنتى جامعتك.
- روح بس وأنا هاجي وراك.
- أروح فين؟
- الجامعة.
- إنتى بتخرفى قومي يا حاجة كده هتفشلي إنتى
إتاخرتى اصلاً.
- قالت بنعاس :
- ليه يعني الساعة كام؟
- الساعة عشرة
- قفزت من سريرها قائلة:
- نعم ايه كام!
- تجمد آدم ولم يتحرك فقالت حياء بتعجب:
- إنت متنح كده ليه؟

صمتت فقد تذكرت أنها ترتدي البرمودا وشعرها
منسب على كتفها بطريقة زادت جمالاً وهذه المرة الأولى
التي يراها آدم بشعرها فإختبأت تحت الغطاء.

تنحني في حرج قائلاً:

- ط ط ط يحضر الفطار على متجهزي عشان أخذك في
طريقي .

- ماشي .

بعد دقائق خرجت حياء متجهة إلى المطبخ لتساعد آدم
لأن الوقت لم يعد يحتمل التأخير:

- آدم أنا هعمل عصير على متخلص .

وضعت حياء هاتفها وحقيبتها على المنضدة وذهبت
لتعد العصير .

- حياء في زيت على ال

- آه

لم يكمل كلمته إلا وسمع صرختها، فزع آدم وسألها بقلق:

- إنتي كويسه أنا أسف كنت لسا همسح الأرض من الزيت .

كانت تتأوه بشدة فقد لوى كاحلها ولكنها حاولت
الوقوف بمفردها جاهدة وكلما حاولت يزداد الألم فتصرخ.

قال آدم بحنان:

- إبعدي ايديك أنا هوديكي الأوضة

- لأ

- متبقيش عندي يلا عشان أشوف رجلك حصلها ايه

- لأ ساعدني أقف بس

وافقها مستسلماً فأمسك آدم بيديها وحينما وقفت
صرخت مجدداً فانقبض قلبه وحملها دون أن يفكر في ردة
فعلها وذهب باتجاه الغرفة

تزين خدها بحمرة الخجل وغضت بصرها عن آدم
الذي صوب بصره نحوها وقلبه ظل يدق بشدة حتى أنه
خشى أن تسمع دقاته:

وضعها آدم على سريرها برفق وظل يحرك كاحلها حتى
يطمئن أن ليس به كسور، كتمت حياء ألمها عنه.

نظر بعينيها حينما أحس بخجلها وكلما أبعدت عينيها
يظل محدقاً بها كي يرى ذلك الخجل الذي يزينها

فقلت بعفوية:

- متخلص بقا انت هتفضل متنحلي كده رجلى وجعانى

قال بحزن:

- أنا أسف.

- حصل خير.

- لازم ترتاحى عشان مش هينفع تنزلى الجامعة الاسبوع ده

- بس أنا بقالى كتير مش بروح

- متقلقيش أنا هبقي جنب الجامعة بتاعتك وهدخل
أستأذنك من الدكاترة

- بس أنا كده هتعبك معايا

- مفيش تعب ولا حاجة أنا هقوم أجييلك الفطار،
شوفتي عشان فكرتي تعملي عصير هتقعديلي في البيت
أسبوع ولا أكثر انتم الى زيكم ميفتحوش بيوت ابدا
قلت بمزاح:

- ولا يفتحوا علبة تونه حضرتك هههه آه يا رجلى

آدم بابتسامة:

- سبحان الله م إنتى بتهزى زي البنى آدميين أهو أمال
مصدرالى الوش الخشب علطول ليه

حينما أدركت أنها تتعامل بطبيعتها تغيرت ملامحها
للجدية وقالت:

- قوم هات الفطار أنا جعانه

- هتموتى لو فضلتى فوفوشة دقيقتين على بعض
حاضر قايم

ذهب آدم باتجاه المطبخ وفى طريقه نبأه هاتف حياء
بوصول رسالة من شخص ما، فأخذ الهاتف ليعطيه لها
ولكن وقعت عينيه على مضمون الرسالة فتسمر بمكانه.

- أنا عارف إنك مجروحة منى مهما مثلتي القوه أنا
هخلص شغلي فى مصر وهجيلك أمريكا بعد شهر مش
هستني سنه على مترجعى.

كرر آدم قراءة الرسالة مرة تلو الأخرى وهو محقق بها
هل حياء على علاقة بشخص آخر!، نبهه صوتها من شروده:

- إنت لو بتعمل الأكل من الأول كنت خلصت أنا
جعانة.

أجابها بصوت يكاد يُسمع من الإختناق:

- أنا جاي يا حياء.

وضع هاتفها مكانه وأحضر الطعام واستأذنها أن يذهب
وانصرف قبل أن يصله أى ردود منها

حياء لنفسها

- ماله ده هو كل يوم هيتقمص من غير سبب!

في طريقه لجامعتها، ظل شاردًا لا يعلم لم قلبه يؤلمه
بشدة، من هذا الذى جرحها أهو الذى جعلها تبكى
طيلة هذه الأيام فقال، محدثًا نفسه:

- هي لو عايزه تقول كانت قالت بس أنا لازم أعرف
منها هو مين، أنا جوزها على الأقل تحترم وجودي لحد
منفصل مش تكلم واحد تاني وتسافرله، أنا اللي علمت
ده في نفسي.

خبط بيده على مقود السيارة بشدة، وقال بصوت عالي:

- بطل تفكير فيها بقي جاتلك مين دي!

وصل آدم لجامعة حياء وأجرى مكالمة هاتفية:

- hello Mr. Jack its Adam Betcher

عائلة «بيتشر» كبيرة ومعروفة جداً في أمريكا ولكن آدم انفصل عنهم نظراً لخلافات بين والده والعائلة قال جاك بتر حبيب:

- Hello Mr. Adam can I help you?

- My wife is an Egyptian student who has a scholarship for one year at the university. She won't be able to go to the university before she recovers. Could I take her lectures?

- Ok. Come to take it.

- I'm coming.

أنهى مكالمته ودخل إلى الجامعة أخذ كل محاضراتها وذهب إلى صديقه لينهى بعض أعماله ولكن لم يستطيع التركيز بشيء سواها، حاول جاهداً التركيز بعمله دون فائدة فاستأذن وانصرف متجهاً لمطعم أخذ منه الطعام ثم إتجه إلى منزله، وحينما وصل إلى غرفتها وجدها نائمة كالأطفال هادئة جداً ووجهها ملائكي جلس بجوارها وظل يتأمل ملامحها التي تتجمد حين تستيقظ لم يكن يعلم أن حزنها أبلغ من أن يُعالج بالتودد لها ظن الغربية تؤثر على مشاعرها، ولكن في الحقيقة كانت الغربية الحقيقية أن تكون مشاعرها وروحها بمكان وجسدها بمكان آخر.

تلملت فى فراشها وفتحت عينها ببطء وحينما وجدته
بجوارها ابتسمت، وقالت بنعاس:

- جيت أخيراً استنيك كثير أوى علشان تقولى عملت
إيه فى الجامعة وزهقت من القعدة لوحدى فنمت

آدم بابتسامة مصطنعة:

- إنتى عامله إيه دلوقتى؟

- الحمد لله أحسن.

وضع أمامها جميع المحاضرات، وقال:

- دى محاضرات التيرم من إسطوانات مسجلة للداتا
مش هتحتاجى حاجة من الجامعة عشان الوقت اللى
متعرفيش تنزلى فيه محاضراتك تكون معاكى.

حياء بصدمة:

- جبتهم إزاي دول أنا خوفت متعرفش تجيب محاضرات
الأسبوع اللى فات!

آدم بغرور مصطنع:

- أنا شويه يا بنتى احم، الواحد بس اللى متواضع

أمسكت يده بتلقائية وبسعادة، قالت:

- الله يا آدم بجد مش مصدقه ربنا يخليك ليا.

حاول حث قلبه على التماسك دون فائدة فاستأذنها
بحجة إحضار الطعام وانصرف وقلبه يعلو ويهبط من
السعادة، بينما هو خارج رأى هاتفها فانقبض قلبه مجدداً،
فأخذه لها مرة أخرى، لقد كاد يقتله فضوله ليعرف من
هو هذا؟

- حياء موبايالك كتنى نسيته بره.

- آه كنت عايزه أجيبه وإنت مش هنا ومعرفتش، مليت
من القعدة لوحدى

فتحت هاتفها ب تلقائية وحينما نظرت به تجمعت الدموع
بعينيه وارتعشت يداها:

ظل آدم يحرق بها وهى تحرق بالهاتف دون أن تشعر
بنظراته التى كادت تحرق عقلها ليعرف فيما يفكر

وأخيراً نظرت إليه بأعين دامعة، فقال آدم:

- مالك!

- عمر

حاول تصنع الهدوء فقال:

- مين عمر؟

- دكتورى فى الجامعة.

- بس؟

أجابت بتلعثم:

- و وكنت بحبه.

تجمدت ملامح آدم وصمت ليترك لها الفرصة للتحدث.

أراحت ظهرها على الوسادة وأغمضت عينيها فى ألم

شخصيتها الثابتة التى طالما حسدها الجميع عليها،
ثقتها بنفسها وبعدها عن أي إختلاط ولكن غريب فرض
نفسه على حياتها اهتمامه المفاجئ بها وبكل ما يمر بحياتها
جعلها انتبهت له، يتعامل معها بطريقة خاصة عن الباقين
كانت الحدود التى وضعها لأي طالبة أخرى تجذبها إليه،
تذكرت محادثاتهم لساعات، حبه لها الذى عبر عنه بخوفه
الدائم، وسؤاله المتزايد عليها، واهتمامه بأدق تفاصيلها،
وعن أي حب حينما كانت تسمع صوته، وهمساته، لمساته
التى حينما تذكرها ترتجف، قبلتها الأولى التى جعلت
نبضات قلبها تتمرد عليها حتى شعرت أنه سمعها لقد
تغيرت معه وجنت به وأفاقته بصدمة أنه سيخطب.

كيف كان يرضى غروره بوجودها! كم حملها من ألم حينما
خيرها بين فتاة وأخرى بحياته وهى تصمت وبداخلها
براكين لو انفجرت لأحرقته، كم من مرة أشعل لهيب
الغيرة بداخلها عمداً وترك لهيبه يحرق قلبها الرقيق، تلك
الروح المرحّة التي انطفأت من عشقه لقد سامت ضعفها
بجواره وتنازلاتها كى تبقى كى لا تفقد جزء من روحها
حينما تغادر، لكن كان المصير نفسه فقد فقدت روحها
ببقائها وحينما أنهكت ابتعدت وقلبها محطم، أصبحت
بعده امرأة قاسية بلا مشاعر، كم حلمت أن تكون ملكة
ببيتها كان بطلها الذى لم تر مثله وفوجئت بأن بطلها كان
مجرد ممثل بارع.

كيف تنسى جفائه وهو يقتلها بجملته الأخيرة؟

- باريكىلى أنا خطبت.

صدمة أنهت ما تبقى من قوتها أمامه لترك العنان
لدموعها المكتومة أن تشق طريقها لخدّها.

- بتهزر؟

أجاب ببرود:

- أكيد لأبتكلم بجذ

قالت وهى تتمزق من الألم:

- بس هى مش هتجبك علشان لعبت بمشاعرى مش
هتجبك لأنى مش هسأحك على اللى عملته فى أنا مش
طايقه أشوفك قدامى

تركته ورحلت تتمشى بغير هدف ودموعها تنهمر
بغزارة، أين ستذهب من كل ذكرياته إن لم يجبها لماذا ترك
تلك الذكريات لتقتلها، وما هي إلا دقائق حتى تلاشى
الضوء من أمامها وسقطت مغشياً عليها.

ظل آدم ينظر لعينيها التى أغمضتهما بقوة والدموع تسيل
منهما بلا توقف وقلبه يتمزق لألمها، ينتظر أن تخبره عن أى
جرح يتحدث هل عليه البقاء بحياتها أم الانسحاب، أما
حياء فعقلها لم يتوقف عن تذكر مواقفه المؤلمة كيف ساعده
غروره على كسر كبريائها، ألم يخبرها بأن كبريائها سيؤولها
إذا أحبت، لماذا لم ينظر إليه، لماذا استباح جرحها بينما كانت
نوره في لياليه المعتمة؟.

حاول آدم إفاقتها

- حياء

قالت بدموع وشفاه مرتعشة:

- كان أجهل حاجه دخلت حياتى حد محترم أوي
وشخصيته حلوه هو كان دبش حبتين بس حنين كنت
بخاف عليه أكثر من أى حاجه فى الدنيا، مكنتش بلاقى
نفسى غير معاه، عملت كل حاجه علشانه بس إتغير، بقي
قاسى جدا كتبتله شعر يمكن يحس إنى تعبت وكانت
رسالتى الأخيرة

رسالتى دي الاخيره ليك يا معاليك بداية القول ولو
إن الكلام هيطول ياريت تسمع، لأن الجرح بقى يوجع،
وفيه جرح فى صميم الروح، وكنت حلفت إنى مباح
لكن تعبانة والله .. قرار البعد مش هين، ومش عارفه إن
أنا أبين بانى تمام، لكنى بجد هبقى تمام، مجرد وقت،
متزعزعى وتتأثر، ولو موجوعة بتكسر مترجعليش، أنا
عارفة إنى هونت عليك متتأثرش، خلاص خليك كما
إنت متتغيرش، ولو قلبى موقوفنى، ولسا الشوق بيخطفنى
لتنهيدك، ودقات قلبى ترسم ساعه على إيدك، ولسا فاكره
برفانك، وروقانك، جمال لونك، وحتى عيونك العسلى،
منا أصلى مشدتنش سوى التفاصيل، لقيتنى بميل لدفا
صوتك، ونفسك حتى فى سكوتك وعصبيتك أنا الى
حلمت أكون بيتك، بنيتك قصر أحلامى لقيت القصر
كله خراب، كما الألماس قفلت عليك لقيت الماس بسرعة

تراب، ولسا بردو بحلم بيك، يانى حبيبي ماسكة إيديك
وبضمك، كما أمك، حلمت أكون معاك دهرًا، وقلت
عشقت ليك جهرا، أتاى الصوت طلع مكتوم، لقيتني
بصوم عن غيرك إيه تفسيرك أنا شايفه الجميع انت،
ولسا فاكهه كلماتنا، وسهراتنا، كذلك حتى ضحكاتنا الخ
الخ دفا حضنك دا كانلى الفخ فلما بعدت رفض قلبي بانه
ينام، دموع عيني نزيه سايل مع الأيام وبستناك، تجيني،
تقولى وحشاني، تقول مش هبعدك تانى، وطال البعد ليه
بتسيب! كتبت بإيدي من حزننى بتوحشنى فليه بتغيب؟
أنا التعبانة بغيابه وأنا الهبله اللى شوفته طيب. جيت
أبعد لحظه عن قلبه سكنت ساعتها فى ضلوعه حلف قلبى
مهوش هيسيب. بيوجعنى، وبجرى أشكيله من جرحه
بأن الغيرة قتلتانى ثم، يعيد الجرح من تانى ليه حبانى،
ليه فكرانى وعيشي وجبي من تانى ولما أنسى، يرجعنى
وأنا الهبله اللى بنسالة وبصفاله فى مره قالى أنا ماشي لقيتلى
بديل، حلفت ساعتها على قلبي ولا هيميل ولا هيجن،
حلف قلبى تعب منى وخلاص بيئن، أنا ماشيه ومش
هرجع، ولو دلوقتى بتأثر ولو منهاره بتكسر مترجعليش،
مسيرى فى يوم أفوق منك فسينى أعيش.

أكملت بتهكم:

- ويأريته ساب من غير ميخليني أكرهه، مكانش حاسس إن كل ذكرى بيننا موقفالى حياتى شايف إني مكبرة الموضوع ولازم أخذ فكرة إننا نفضل فى حياة بعض من غير وعود بمنتهى البساطة نحب بعض عادى لكن نكمل مينفعش.

ضحكت بمرارة فأمسك يدها لتهدأ فقالت بحزن

- أنا عمرى مدمعت علشان حد وهو من يوم محييته ودموعى مش بتقف مره خوف عليه، ومره خوف منه، مره غيره، ومره خوف من البعد، ومره تانيه خوف من قربيه كنت كل يوم بنهار فضل يعلق على كل حاجه فى حياتى وأنا بفقد ثقتى فى نفسى بوجوده وأفقد كبريائى ولما أعاتبه يقولى خليكى إسترونج كأن مينفعش أزعل كأن حقه إنه يوجعنى وأنا أستحمل ولما تعبت وبقينا نتخانق ولقى الموضوع قلب جد مل وساب. هان عليه الي بينا وجرحنى بدم بارد خلانى كرهاه ولما سألته كنت ليه بتوجعنى بالشكل ده قالى لمصلحتك؛ علشان متفضليش تعبانه بسببي

لوحت بيديها بإستهزاء

- يا عيني على البراءة وهو ينفع نسقى الورد بعد ميموت! جاي يفكر إنى مبقتش قادرة ابعده عنه وبدأ يكرهنى فيه بعد مخلصنى عشقته!

إرتفع صوتها وقالت بألم:

- فضل ليه وفجأه وبدم بارد خطب وقالى أنا
موعدتكيش بأى حاجة أزاى بعد كل الحب الى حبيتهوله ده
أكون مجرد وقت فراغ في حياته أنا كنت أستحق أكون رقم
واحد خلانى كرهت الحب وكرهته وكرهت ضعفى معاه
وهربت من كل الوجدع ده وسافرت راجع يقولى ساحيني
على إيه هو كسر كوبايه! كان فين لما احتجته وقتله إن بعده
هيخلينى أضيع، قتله بلاش ضغط في وقت الدراسة علشان
أعرف حتى أذاكر بلاش أخسر كل حاجه ومفرقش معاه
انكمشت في نفسها وأرخت رأسها على ركبتيها وظلت
تبكى بشدة وأكملت:

- أنا بكرهه قد العشق الي عشقته ليه بكرهه قد
الوجدع الي كنت فيه أنا بكرهه ومش هسامحه يا آدم مش
هسامحه ابدا

- حبك ليه كان ابتلاء من ربنا عشان يادب قلبك إنه
ميتعلقش بحب حرام

- مكنت عايزه غير إنى أكون معاه أو اضمن وجوده
ومش هتكلم بس لما كان يخليني يوم في السما ويوم في
الأرض بقيت تايهه

- ده تحمدى ربنا إنكم مكملتوش تخيل انسان متردد للدرجة دي ومش عارف هو عايز إيه يعنى ممكن يتجوزك ويطلقك وبعدين ده مش بالقوة اللى بتتكلمى عنها مش عارف يتقبل إنك محبوبه وناجحة وإجتماعية إزاي هيحتويكي إزاي هيكبرك اصلاً! واحد كل اللى عمله فى حياتك إنه خسرك ثقتك فى نفسك يعنى كان عايز يلغيكى إزاي تفكرى فيه!

- أنا كنت هسيب كل حاجة عشانه

آدم بتعجب:

- حياء إنتى مدركة بتقولى إيه! إنتى أهتى كرامتك، ومصونتيش قلبك، جرحتى نفسك بإيدك، إتحايلتى على واحد يفضل فى حياتك فدمرتى شخصيتك ودراستك وصحتك وبقيتي مجرد بنت ضعيفة جداً وأعذرينى كان أبسط ما عنده يبعد لأن عارف إنه هيرجع وهيلاقىكى ومش هتقدرى تاخدي قرار قاطع بإن لأ يعنى لأ بالذمة هو يستاهل كل ده! الحب مش تنازل عن مستقبل الحب مش إهانته الحب قوة وسند ودعم ولو مكانش كده يبقى إختيارك غلط ولازم تتحملى نتايجه.

نظرت له بعينيه الدامعتين فإخترقت دموعها قلبه وقالت:

- بس أنا

- إنتى دلوقتى محتاجه حد يخليكى، يفصلك تماما عن العالم لحد مستقوى.

جذبها آدم بين ذراعيه وحاول تهدئتها، كانت كالطفلة التائهة، ووجدت ملاذها ظلت تبكى بشدة بين ذراعيه حتى إستكانت وذهبت بنوم عميق، حينما سمع انتظام أنفاسها أراحها على السرير وسحب الغطاء فوقها، وظل بجوارها طيلة الليل، كانت هذه الليلة من أصعب الليالى التى مرت بحياته، قلبه محطم مما سمع وغيرته تكاد تقتله، نظر لصغيرته التى تحملت كل هذا الألم غير مصدق أن كل القوة التى تظهرها ما هي إلا القشرة الخارجية لقلب هش جدا..

لم يغفو آدم من كثرة التفكير، فخرج وانطلق بسيارته إلى حيث لا يعرف، هو فقط يريد أن يفرغ طاقته بأى شيء، ظل يقود سيارته بسرعة وهمية، وكلما تذكر كلماتها عن حبيبها اشتعلت النيران بقلبه وخبط مقود السيارة بشدة، ظل يحدث نفسه بإنفعال:

- يعنى سبت بنات الدنيا كلها ومسكت في دى! أنا مش عارف أعمل إيه يارب أنا مينفعش أسيبها بتنهار أنا حسيتها بنتى ومسؤله منى

- تنفس آدم الصعداء وقال بحزم
- أيا كان قرارها بإنها تكمل أو لا، لازم أفوقها وأخليها تعيش حياتها صح.
- عاد إليها من جديد ووجدها مازالت نائمة، كانت الساعة تجاوزت الثالثة والنصف
- دخل إلى غرفتها وأيقظها ببطء:
- حياء.
- اعمم
- قومي بقا
- لا أنا عايزه انام
- طب يلا الفجر هياذن وهنصلي مع بعض
- سحبت الغطاء عنها ونظرت له بدهشة قائلة:
- نصلي مع بعض! ليه؟
- قال بمزاح:
- مش أى واحد متجاوز واحد لازم يصلي بيها الأول
- وبعدين إنتى حضتيني امبارح واحنا مكناش صلينا فاحنا نصلي الاول قبل ميحصل حاجه تانيه.

ظلت محدقة ببلاهة، وقالت:

- هاه إنت بتقول ايه؟

ضحك آدم، وقال:

- تصدقي شكلك حلو وانتي شبه الطمطم ايه كده

أخفضت بصرها وإزداد خجلها فضحك قائلاً:

- قومي يلا هنصلي الفجر ومن النهارده مفيش دلع
ربنا هيحاسبني عليكى وأنا مش ناقص.

ثم قال بصوت طفولى:

- يرضيكى أتعذب يا يوتئه؟

حياء ضاحكة:

- لا ميرضييش بس أنا هقوم إزاي وأنا مش هعرف
أقف على رجلى

إستعاد صوته الرجولى مرة أخرى وقال بجدية

- بس كدا إانت تؤمر يا معلم

حملها آدم، وذهب مسرعاً باتجاه الحمام تشبثت حياء
بملاسه بقوة:

- آدم نزلنى يا مجنون هقع نزلنى

قال وهو محقق بعينها:

- بس يا ماما أنا دلعتك كثير ومن النهارده

صمت لحظاتٍ، فقالت:

- إيه؟

- مفيش غير دلع بس إحنا هنعيش حياتنا كام مره
بطلى بؤس بقا.

- احم ط طب نزلنى بقا.

- ماشى الى تؤمرى بيه.

تصنع آدم أنه سينزلها، فأمسكت به بقوة أكبر وقالت
برعب:

- رجلى وجعانى مش هعرف أقف.

قال بمزاح:

- الله مش كنتى عايزه تنزلى دلوقتى؟

قالت بخجل:

- لأ خلاص كان قصدى فى الأوضة.

- طب او عی تتعودی علی کده ده دلع علی متخفی بس.

حیاء بعفویة:

- حاضر.

وصل آدم إلى الحمام ووضأها وأعادها إلى سريرها بنفس الطريقة، ثم استأذن أن يتوضأ هو الآخر، وحينما عاد أجلسها على الكرسي وعلی بها:

تعجبت حیاء من عذوبة صوته الذی سحرها، وحينما انتهی قالت:

- إنت إزای بتقرأ بالتجوید؟

- إنتی شیفانی دافق صلیب؟

قالت بفضول:

- لا بجد اتعلمت إزای وإنت فی أمریکا؟

جلس أمامها وأمسك يديها، فأرتعشت إثر لمسته، حاولت سحب يديها فقال:

- استنی یا بت هاتی إیدك دي كدا علشان اشرح علیها.

رفعت حاجبها وقالت:

- تشرح إیه؟

- أشرح لك إتعلمت ازاي أنا يا ستي اما كنت بنزل
مصر وأنا صغير مامتي جابتلي شيخ حفظني القرآن
بالتجويد

ظل يلعب بأصابعها وهو يتحدث، فلم تستوعب ولا
كلمة مما قال.

- إنتي حافظه كام جزء؟ حياء

- هاه نعم؟

- نعم إيه روحتي فين بقولك إنتي حافظه كام جزء؟

سحبت يديها من بين يديه، وقالت بحزن:

- أنا كمان بابا كان بيحفظني قرآن بس محفظتش من
وقت متوفي وماما من الزعل عليه ماتت السنه الى بعده
من وقت مختلفت من حياتي وحياتي باظت بقيت لوحدي
ومليش غير آيات صاحبتني

ثم إبتهجت وقالت بسعادة

- كانت مجنونة زيي واتخطبت لدكتور أجن منها؛ كان
صاحب عمر شافها معايا في الكلية ومن وقتها علقت
معاها حلوين أوى مع بعض كنت أنا وهى بنحلم نتجوز في
يوم واحد اتنين إصحاب بس

لم يعطها آدم فرصة لتفكر:

- بت يا حياء

- نعم

- إنتى تنفعى تدى كورسات نكد أما بتندمجى
مقولكيش بقا

- كنت فرفوشه اقسام بالله بس الزمن جه ع الواحد

ضحك آدم ثم سأله، قائلاً:

- بتقرى ورد من القرآن؟

- أنا؟

- تخيلي بسألك انتى؟

ضحكت بخجل قائلة:

- بصراحه لأ بس بصلى.

- يا جمالك هو الاسلام صلاه بس؟

- والله يا أخ آدم أنا أوقات كتير بقرب أوى من ربنا
لدرجة إنى ببقا عايزه أموت فى الوقت ده الى هو خلاص
هموت وأنا واثقه إنى بعمل كل حاجه ربنا بيحبها بس
الفترة دى أنا مش عارفه أنا عايزه إيه البس أنهى استايل؟

احط ميكب خفيف ولا لأ أتعامل بمرح ولا أفضل هاديه أ
اختلط بالناس ولا انعزل أنا مش عارفه أو تقدر تقول أنا
مش عايشه أنا تايهه ومش لاقية نفسى.

أمسك يديها الصغيرتين بين يديه، قائلاً:

- وهتفضلى تايهه وعمرك مهتلاقى نفسك إلا لما تلاقى
ربنا في قلبك، وتشوفى حبك ليه في أفعالك يا حياء دوري
على ربنا في حياتك

- أنا طول عمرى نفسي أتعجز حد ياخد بإيدي للجنة
بس بدل مدا يحصل عكيت أنا مجروحه بجد ومعديش
طاقه أكمل يا آدم

- لولا ستر ربنا ورحمته مكناش هنفضل موجودين أنا
عايزك تتغيرى علشان نفسك مش علشان تعجبنى حد، علاج
الخلاص من أى حب هو أنك تدخل فى علاقة حب جديدة
بس مش حب حرام لأن مينفعش نصصح ذنب بذنوب
حبى ربنا بأفعالك قبل كلامك أى حد يبحب حد بيدور
على اللى بيرضيه ويعمله بأى شكل كونه زى مربنا عايزك
ساعتها بس ربنا هيحبك وهيعد أى وجع وأى حزن وأى
حب حرام عن قلبك لأن المحب على من يحب غيور
وربنا لما يغير على قلبك هينقيه عشان متفكرش إلا فيه.

- كلامك مريح أوى على فكرة
- طب استنى بقا أما اجييك مصحف عشان نقعد
نقرأ شويه ونروح ننام
- طب مننام ونصحى نقرأ
رفع حاجبه قائلاً:
- تصدقى انا كنت بفكر انقلك على السرير بعد الجملة
دى خليكى بقا متذنبه لحد مطلع اجيب مصحفى واجي
- مصحف واحد وأنا هقرأ مين؟
- هنقرأ مع بعض لأن معنديش غيره على مجييك واحد
صعد إلى الطابق الثانى وأحضر مصحفه، ثم نزل إليها.
- حملها على السرير، محدثاً بهجة كعاداته:
- هيلا هوب
- ضحكت حياء، فابتسم وجلس بجوارها، وفتح مصحفه
من البداية فقالت:
- متقرالى بصوتك وأنا هسمعك
- أتاها صوته الدافئ:

- بس أنا عايزك تقرى ورد يومى

- بعد كده أوعدك هواظب على الورد بس إقرأ إنت
النهارده

- حاضر تحبى أقرألك سورة إيه؟

- يوسف بحبها أوي

بدأ آدم بقراءة السورة، وحياء قلبها يعلو ويهبط من
عذوبة صوته، لو لم يكن أمامها فى هذه اللحظة لظنته
صوت سمائي ليس من حق أي بشر أن يمتلكه، لقد
ظنت أنها لن تفتن بصوت بعد صوت حبيبها، ولكن
بدأت تدرك أن عوض الله يظهر بحياتها بعدما استسلمت
لقضاءه، ظلت تنظر إليه حتى شعر بنظراتها التي كادت
تخرقه، حاول جاهداً التركيز في القراءة، حتى انتهى فقال
بتعجب:

- إنتى يا انسه

- مدام حضرتك

تنهد بسعادة لأول مره تعترف بأنها زوجته، أكمل
بجدية مصطنعة:

- إنتى معجبه بيا ولا حاجه؟

حياء وهي مازالت مصوبة عينيها اللامعتين عليه كأنه
سحرها :

- ليه؟

قال محاولاً تشتيت أفكاره فلمعت عينيها تثير قلبه
ومشاعره، قال مازحاً:

- استغفر الله العظيم يارب شوف البت بتغرينى بصوتها
إزاي وأنا لسا مصلى

أخفضت بصرها وتنحنحت قائلة:

- احم الا أنا

- صوتك مغرى وأنا واحد أعذب يعنى عيب يا بنتى

حياء ضاحكة

- أعذب آه

- متتهربيش من سؤالى قولى انك معجبه بيا أنا اصلا
حليوه وعارف نفسى.

للحق هذه أول مرة تُدقق بملامحه لتدرك أن معه حق،
عينية الزرقاوتين وشعره الأصفر الناعم، وكذلك ذقنه
تفقد أى فتاة عقلها، كيف لم تلحظ جماله كل هذه المدة!

قالت بمزاح:

- متواضع إنت أوي ما شاء الله

تنحنج بغرور، وقال:

- احم، طبعاً يا بنتى زادنى الله

نظر إليها بإبتسامه، وقال:

- على فكره إنتى جميله أوى وإنتى رايقه، وانتى بتضحكى
جميله بروحك الحقيقية مش المصطنعة أوعى تتغيرى علشان
حد حبى نفسك كما إنتى لأن ربنا هييعتلك الى يحبك زى
م إنتى بجنانك ولخبطتك أوعى تفقدى بهجتك

- تعبت عك يا آدم أنا نفسي حياتى تستقر عايزه أحب
حياتى من جديد عايزه أقوى زي مكنت

- أنا عارف إن اتفرض عليكى موضوع جوازنا خوفا
من إنك تفضلي هنا لوحدك بس أنا مش هفرض أي
حاجه كونى جوزك إقبلى اننا نكون أصحاب وتسمعى
الكلام وتبطلى عند وأنا هوريكى حياء جديدة تماماً

أغمض عينيه، وقال ببراءة:

- سيدتى، هل تقبلىنى صديقاً لكى؟

حياء بفرحة:

- موافقه طبعاً.

آدم بنفس السعادة:

- يبقي هنتفق على شوية شروط

- حاضر

- أولاً أنا بحب لبسك وبتكونى قمر فيه مش عايزك
تغيريه إفضلى البسى جيب منفوشه وبلوزات أو فساتين زي
مبتلبسى

- حاضر

- مفيش ميكب لأن مفيش سبب مقنع إنك تحطيه
الميكب لو هيزود جمالك خارج البيت فبتعملى كده للناس
بالتالى إنتى بتجبرى الناس تبص لشكلك وتعلق عليه
لأن إنتى شخصيا حطيتي تعليقك عليه وبعدين لو حد
أعجب بيكى علشان شكلك ترضيه جوزك؟

- كله دلوقتى بيدور على الشكل المحترم والوحش

- فى أول وقعه الى هيحب شكلك هيبعد والى اتعلق
بروحك هيفضل جنبك وبعدين ده أنا جوزك عمري
مشوفتك حاطه نقطة ميكب قعدالى شبه المطلقات علطول

- نعم يعنى أنا وحشه؟
- بعباية ستك الى لبساهلى دى مش عارف أقولك إيه
- ضحكت حياء، وقالت:
- خلاص مش هحط برا البيت بس أما أزهدق هقرفك
هنا ميكب وإياك تقول بقرف منه ماشي؟
- وأنا موافق الى بعده
- فركت أصابعها بتوتر، قائلة
- آدم
- نعم؟
- أنا عايزه آيس كريم
- آدم بصدمة:
- نعم
- قالت بعد نظرة طفولية:
- عايزه آيس كريم
- احنا الفجر يا بنتي روجي نامي

- يوه يا آدم مليش دعوه عايزه آيس كريم دلوقتي
علشان اسمع كلامك

- بس المسافة طويلة على منلاقى آيس كريم
قالت بدلال:

- عشان خاطري يا دومه يا غسل إنت
هل كذبت أذنه أم أن حياء تتحدث بدلال الآن؟
قال محاولاً تشتيت أفكاره:

- موافق بشرط

- عونيا

- توعديني تفضلي مرحه وتتغيري مش عايزك ترجعي
زي زمان قبل متعرفيه أنا عايز شخصية تتولد من جديد
- مش هقدر مش هعرف لا أحب ولا أثق في حد ثقه
كافيه ولا حتى أثق بنفسى إنى أغير مش عندى طاقة
- ششش انسى كل كلامك السلبي دا العقل بيتبرمج
على الي بنردده لنفسنا غمضي عينك كدا
- أهو

ظل آدم يتأمل ملامحها، وصمت، فقالت بطفولية:

- ها بقي؟
- احم قولى يلا أنا اقوى من أى مشكله
- هههه
- بتضحكى على إيه يابت؟
- مش عارفه الموقف مضحك هبقي أقول لوحدى
- لأ دلوقتى
- أنا اقوي من أي موقف
- أنا واثقة بنفسى.
- ثم هدأ صوته وقال:
- أنا زي القمر.
- ظل يتأمل ملامحها، فنظرت له، وقالت:
- النبرة دي مش مرياحانى إنت بتعاكس
- احم أنا لا
- طيب قوم اختارلى طقم من الدولاب
- حاضر الفليبينيه اللى جابوهالك أنا

ضحكت وصمتت، فنهض ليحضر ملابسها، لقد خشى
من بقاءه بجوارها أن يفقد السيطرة على مشاعره، أخرج
الملابس وتركها تبديل ملابسها، وخرج حتى يحضر سيارته
وعندما عاد إلى داخل منزله، وإلى غرفة حياء تحديداً،
وجدها قد أبدلت ملابسها:

- بسم الله ما شاء الله دلوقتي قادره تتحركى وتلبسى
بسرعة الصاروخ يلا حصلىنى على العربية
توجه بناحية الباب مدعيًا الخروج:

- استنى يا آدم سايبنى ورايح فىن مش هعرف اجى
- شوف البت بتتحجج إزاي عايزانى أشيلها
- على فكره بقى إنت رخم مش عايزه حاجه ومش
جايه معاك

نظرت للأرض بحزن، فذهب إليها وحملها وقرب
وجهه من وجهها ثم نظر إليها بنخبث وقال:

- مالك محلوه كده ليه وإنتى زعلانة
- ابعد عنى وركز فى الطريق هقع
- طب مركز أنا هنا وركزى إنتى فى الطريق

- بس يا آدم متبقاش رخم
- أنا رخم! يا بنتى احترمى فرق السن أنا لو خلفت
كنت جبتك
وصلا للسياره فأنزلها، وأجلسها بالمقعد الأمامى فقالت
محاولة استفزازة:
- قعدنى ورا مش عايزه أقعد جمبك
- ليه سواق الهانم؟ مش كفايا إنك منزلانا الفجر دا
إنتى لو بتتوحى مش هتعملى فيا كده
- لا هعمل أكثر من كدا دا آيس كريم.
ضغطت على شفتاها وأغمضت عينيها، كأنها تتذكر
طعمه، ظل آدم محدقاً بها لو لم تقطع أفكاره لتهور بتلك
اللحظة:
- متيلا يا ابني سوق
تنهد قائلاً:
- حاضر يارب تعبت من البت دي
- بتقول حاجه يا دومه

- لأ بقول أركز في الطريق عشان أنا كشاب من باقى
الشبان يعني ومشاعرى يعني بتروحي بقي وتيجي إنتى
فاهمه يعني

انفجرت ضاحكة وقالت:

- لا حول ولا قوة الا بالله شوف بيجرنى للزيلة وأنا
لسا مصلية الفجر

- يا قلودة

قالت بطفولة:

- دا إنت اللى قلود ركز في الطريق

- حاضر

في الطريق نامت حياء، وملاحها ظلت مبتسمة كطفل
ساهر ينتظر العيد لكنه غفا، كان آدم يسترق النظر إليها
من حين لآخر إلى أن وصلا فأحضر لها ولنفسه الآيس
كريم وعاد إلى السيارة:

- حياء.

- نعم؟

- الآيس كريم بتاعك تاخدى مانجو ولا تشوكليت؟

- الاتنين بحبهم.
- آه وبعدين؟
- بص احنا نعمل ديل.
- اتخفيني.
- هات الشيكولا آكل نصه وانت تاكل نص المانجه ونبدل.
- نظر لها بتعجب.
- فكرة حلوة مش كده؟
- لا
- إنا بردو قلت إنها هتعجبك على فكرة هات بقى واحدة فيهم
- ضحك آدم بشدة وأخذت حياء الأيس كريم تأكله
ياستمتاع، وفي منتصفه تبادل الأيس كريم وكل منهما
يضحك،
- في الطريق سألته حياء:
- تصدق أنا لحد النهارده معرفش أى حاجه عن حياتك
بتشتغل إيه صحيح؟

- عندي شركة هندسية.

حياء بفرحة:

- قول والمصحف

خبطها على رأسها برفق:

- قولي لا اله الا الله آه يا ستي شركة *** للهندسه

- نعم إنت اهيل ولا ايه؟

- يا بنتي لمي لسانك يا بنتي

- إنت عارف إن الشركة دي أنا كنت بحلم أشتغل في
الفرع بتاعها في مصر تقولي إنت مدير فرعها الأساسي هنا
نظر في الكرسي الخلفي للسيارة، وأمسك أوراق للشركة
ووضعها بين يديها. حينما رأتها حياء قالت بعدم تصديق:

- إيه دا إزاي! إنت آدم بيتشر؟

- تخيلي

- احلف

- اه والله

- لا بجد شركتك دي؟

- إنتى بتعبدى البقر يابت دا أنا حلفتلك.

- احم آه صحيح امال ليه يابنى مش عايش فى قصر
ومغرور بقي وكدا زي البنى آدمين اللى زيك
انفجر ضاحكاً:

- البنى آدمين اللي زيي مرة واحدة عشان إيه أغر
مفيش حاجه مبجش الأفوره خصوصاً إنى عايش
لو حدي.

- هتشغلنى معاك أما أخلص؟

- بس انتى ليكى تعيين فى الجامعة إنتى الأولى على
دفعتك.

- لأ أنا كده كده مش هشتغل فيها.

- ليه؟

- عشان

صمت فقال بهدوء:

- عمر

- آه

وصلاً للمنزل فحملها للداخل، وقال :

- الى يريحك أنا هعملهولك بس قرار إنك تسيبي
الجامعة ومستقبلك عشان شخص أنا مش موافق عليه
فيه مثل بيقول

نظرت إليه بإهتمام فأكمل:

success is the best revolution -

- لى عنده القدرة يكمل

- متنسش إنك وعدتيني

- ولما روحك تتعلق بحد برغم عيوبه تبعد التعلق
إزاي؟

كادت الغيرة تقتله، ولكنه قال مازحاً كي لا تحزن:

- تصدقي إنتى اللى هتضطريني أوريكى بينساها إزاي

بدأ بدغدغتها، وحياء تضحك بشدة إلى أن أدمعت
عينها وإستلقت على السرير قائلة:

- آدم خلاص هموت

- كتلة نكد متحركة قولى أنا أسفة ومش هكتئب تانى

- أنا أسفة والله كفايا هفطس يخربيتك مش هكتئب
خلاص هتعين خلاص وهروح الجامعة صبح وليل لو عايز



ابتسم إبتسامة انتصار، وقال:

- أيون كده وليكي عليا يا ستى أعمالك استثناء
وأشغلك الايام الى مش هتبقى فيها فى الجامعه بس اثبتى
على ترتيبك لازم تثبتى نفسك هنا زى هناك
بفرحة كالأطفال:

- بجد؟

- اقفلى بوقك هتاكلينى

قالت محرجه

- اندمجت أنا صح

- آه شويه

ضحك الاثنان وبعد ثوان كانا قد وصلا للمنزل
فحملها وأدخلها إلى غرفتها

- آدم انا مش مصدقة إنى هشتغل فى الشركة دي والله
هعيط من الفرحة

- إنتى زعلانة تعيطي فرحانه تعيطي بطليي نكد ابوس
أي حاجه

ثم نظر اليها نظره فهمت غرضه منها فتلون وجهها
بحمرة الخجل وقالت

- اتلم

قال بخبث

- اتلم ايه دا أنا طالع داخل قاعد قايم شاكب راكب
شايلك تقولشى بنت أختى وبهشتكها

تصنعت البراءة قائلة:

- مش إنت السبب إنى أقع وممشيش ومرووحش
الجامعة عيني عليكى يا حياء يا غلبانة

أنزلها آدم بسريرها وسحب عليها الغطاء وقال وهو
يغمز

- بطلى نحنحه بقي علشان مفيش غيرنا فى المكان
ويمكن أتهور

- هاه أنا أنا بعاملك كصاحبى إنت فهمت إيه!

ضحك ونهض من مكانه قائلاً:

- شوف البت الى دماغها بتحدف شمال نامى يا ماما
نامى ربنا يهديكي

- دی انا بردو انا مش هرد عليك عشان أكبر منى بس
ضحك ثم خرج وأغلق باب غرفتها متجهاً إلى غرفته
وظل في حديث مع نفسه كالعادة

«انا متعودتش أخاف يا حياء بس انا فعلاً خائف
من احساسك ومشاعرك لما تقابلي الى حبيته انا حبيتك
ومعنديش أى استعداد لأنى اخسرك»

كادت نار الغيرة أن تشتعل من جديد فأطفأها بذكريات
يومه معها وضحكاتها التي تتردد بأذنه حتى غفا

أما حياء فلأول مرة منذ فترة طويلة تنام هادئة البال
لا يشغلها شيء
وفي مكان آخر

- آدم غرقان لشوشته يا باشا

- يعني إيه؟

- شوفته خارج شاييل واحده وأما رجع بردو شاييها
وكان بيصلها نظرات واحد دايب وحالته صعبه

- طب إعرفلى مين دى في أسرع وقت.

- حاضر يا باشا.

استيقظ آدم متأخراً، وحينما نزل من الطابق العلوى،
وجد حياء مازالت نائمة، فأيقظها برفق:

- حياء

...

- حياء قومى عشان تذاكرى بقا كفايا دلح

تلمت فى سريرها قائلة:

- يا ادم سيبنى انام

- قومى ذاكرى علشان انتى كده مش هتنفعى

قالت بتأفف:

- أنا فاشله اصلا هما الى فاهميني غلط

سحب الغطاء فقالت:

- طب إقرالى قرآن بصوتك وانا هقوم

آدم بتعجب:

- اشمعنا يعني؟

- كدهوت واتعود إنك تقرالى قبل منام وبعد مصحى

ولا انحرف وأسمع أغانى

- لا ياختى متنحرفيش بس أنا كدا هتأخر على الشغل
أول ماجى هقرالك اللى عيزاه
- خلاص مش صاحيه إطفى النور وروح شغلك
قال بتنحنج بعدما جلس بجوارها:
- دا انتى عجبك صوتى بقا
رفعت الغطاء عن وجهها وبطفولية قالت:
- لا وحش
ثم غطت وجهها مجدداً
- آمال ليه كل شوية إقرالى بصوتك إقرالى بصوتك؟
- يعنى أروح أشغل بأصوات غيرك وإنت موجود
ثم قالت كأنها تذكرت شئ:
- عارف إنت الشيخ مولان كرتيسى حنين أوي صوته
تحسه بيلمس القلب كدا وياخدك لعالم تانى بحبه أوي فى
سورة الشرح ياه استنى أشغله
- إلتقطت هاتفها، فأمسك بيدها ليمنعها، وقال بعدما
اشتعلت غيرته:
- لا متشغليش أنا هقرالك قال حنين أوي بصوته

نظرت له وابتسمت معطية موافقتها لبدأ قراءة
بدأ ببعض الآيات من سورة التحريم، وهي تنظر إليه
مبتسمة دون أن تنطق، حتى انتهى قال:

- دماغك ناشفه أوى وعايظه تنضربى

ابتسمت وظلت تنظر إليه وهي صامته، فقال:

- يلا انا همشي لأنى اتأخرت على الشركه ودى اول
مره فى حياتى أعملها الأكل جنبك أهو كل كويس وابدئى
ذاكرى على الأقل تخلصى ٣ محاضرات على ماجى وإلا فيه
عقاب وعلى فكرة أما أجى هسألك فى اللي ذاكرتيه

- ثلاثة إيه أنا بزهدق بسرعة

رفع حاجبه قائلاً:

- إنتى متأكدة إنك الأولى على دفعتك؟

- آه والله بس أنا بذاكر أيام الإمتحانات بس أنا بمل
بسرعة

- التعليم متطور خالص عندك يا حياء

- احم آمال إيه نحن نختلف عن الآخرون

- طب اقل حاجه تلاته لو مخلصوش هتتنفخی اما اشوف

- ولو خلصو

- عایزه ایه؟

- هاتلی مصاصه کبیره وشیشی ونایتی وتشوکلیت

- نعم والله لو عایش مع طفله مهتطلب طلباتک دی

- ملیش دعوة من زمان مکلتش مصاصه

- ولیه تاکی مصاصه یا ماما کبرتی علی الکلام ده

نظرت له بحزن، فقال مستسلماً:

- حاضر هجییلک کل دا وأنا جای أنا ماشی وهطمّن

علیکى بالموبایل

بعدهما غادر نظرت حیاء بساعة الموبایل فتذکرت رسالة عمر، وانقبض قلبها من جدید حاولت جاهدة أن تصرفه عن تفکیرها ولكن أبى قلبها، فظلت تستغر كثيراً، إلى أن تذکرت صوت آدم وهو یقرأ سورة التحريم، بدأت بالذاكرة إلى أن رن هاتفها:

- السلام علیکم

ركزي ف المذاكره متسر حيش كثير مش هنهزر-

نظرت حولها برعب وقالت

- هاه

زي مسمعتي لو جيت لقيتك مخلصتيش هتتنفخي والله

قالت برقة

حاضر هذاكر أهو ولو جيت من غير الي قلتلك
عليه مش هدخلك البيت

آدم بخفوت:

- دا انتي تؤمري يا برنسيه

حياء يا بتسامه:

- احم بتوطي صوتك ليه متتكلم عدل

- وإن متعدلتش

-هقفل ف وشك

ثم بصوت غليظ، قالت:

- اخلص يابني مش فاضيين ورانا شغل

آدم بفزع:

- أعوذ بالله من دي بت امشي سلام

قالت صاحكة:

- سلام

أغلق آدم الخط، وظل مبتسماً قائلاً:

- إنتي بتاعتي أنا وبس يا حياء مش هتكوني لغيري

أما حياء فأغلقت الخط، قائلة:

- عسل أوى

ثم تراجع مؤنبه نفسها

- فيه إيه يا حياء لا يلدغ المؤمن من جحر مرتين إنتي

اصلا مش عارفه تشيلي عمر من قبلك وأول مشوفتي

رسالته خوفتي تقابليه وتحنيله ثاني

ظلت تستغفر ربها حتى يصرف عنها أفكارها، وبدأت

بالمذاكرة:

أما آدم، فأجرى مكالمة هاتفية:

- آلو

أناه صوت رجولى مبتهج عبر سعاة الهاتف

- ياه آدم عاش من سمع صوتك يابني

- إزيك يا اسلام أنا عايز منك حاجة ضرورية؟

- خير يا آدم

- فيه معيد في هندسة القاهرة اسمه عمر ليه صاحب

إسمه يوسف معيد بردو أنا عايز قصة حياته من طقطع

لسلامو عليكم

- حاضر بس ليه؟

أجابه مستعجلا:

- بعدين هقولك يا اسلام

- طب مش ناوي تنزل مصر؟

- قريب بإذن الله

- ماشي يا باشا تيجي بالسلامه في أقرب وقت هتصل

أعرفك أخباره

- مستنيك يلا السلام عليكم

- وعليكم السلام

قضى كل من حياء وآدم اليوم منهكين بأعمالهم، إلى أن
أظلم الليل، فعاد آدم إلى المنزل:

- حياء

- نعم يا آدم؟

- ممكن ادخل

- لحظة

وضعت حياء حجاب علي رأسها، ثم أذنت له أن
يدخل:

- صليتي؟

- معرفتش أقوم

- معرفتيش ولا محاولتيش

ظلت صامئة، فقال:

- طب قومي يلا معايا عشان تصلي ومن بكره تبطلي
دلع مينفعش تضيعي صلاه ربنا أحق من كل حاجه لازم
متضيعيش حقه

- أنا أسفة يا آدم



- بتأسفيلي ليه بلاش تقصري في حق ربنا علشان أي
ربة هتحصل في حياتك هيكون بسبب بعدك عنه وأنا
خايف عليك من عقابه احنا نشد بعض مش احنا
أصحاب.

أومات برأسها فقال بجدية:

- هو إيه دا ردي عايز أسمعك وبصيلي كدا وانا بكلمك
نظرت حياء بعينه محدقة، فخفق قلب مجددا وقال
بخفوت:

- إنتي ايه دا؟

قالت بنفس الهدوء:

- إيه؟

خانتة مشاعره فأمسك يديها وطبع قبلة على شفاتها
وعلت أصوات نبضاته فشعرت بها حياء، كانت أنفاسها
المضطربة كالنيران تلفح وجهه مثيرة أحاسيسه

تماسكت حياء، وابتعدت عنه وهي تلتقط أنفاسها
بصعوبة بالغة وقالت بصدمة وصوتها يكاد يُسمع:

- إنت ايه الى عملته ده!

ظل قلب حياء يعلو ويهبط ولم تقوى على الكلام
فصمتت تستجمع قواها مرة أخرى، فقال بإرتباك:
- أ أنا أسف مكنتش أقصد.

ظلت تنظر إليه بصدمة، ولم تتحدث فقال وهو ينسحب
من أمامها:

- أنا هروح أتوضا
شعرت بالخرج فقالت بصوت يكاد يسمع:
- ط طيب

استجمع آدم قواه، وقال:

- قومي معايا

قالت بتوتر:

- على فين؟

- تتوضى إنتي كمان

قالت بخفوت ومازالت تحت تأثير صدمتها:

- حاضر

أمسكت حياء بيديه جيّداً، وتحركت إلى الحمام، كانت تتحرك بصعوبة باللغة وكلما شعرت بألم قربها من قلبه فيرتجف جسدها حتى لم تعد تقوى على احتمال آلام قدميها وكادت أن تسقط فأحتضنها حتى نسيا العالم معاً، ونبضت قلوبهم بنبضة واحدة فارتجفت مجدداً وابتعدت عنه أما آدم فظل محمداً بعينيها بصمت بعدما أشتعلت وجنتاها من الخجل فحملها إتحه إلى الحمام ليتوضأ كل منهم كي لا يحدث ما يندم عليه فيما بعد وقال:

- كفايا عليكى كده أنا حبيت أخليكى تمشى علشان تتعودى بس

هذه المرة خانتة عيناه فلمعته أثارت توتر معدتها وقالت بهدوء:

- اتلم

- هو ايه يا ستي الي اتلم انتي شيفاني متبعتر

لم تجب، بل كانت في صراع بين قلبها وعقلها.

تفهم آدم إرتباكها، فقال:

- ذاكرتي؟

- ايون صحيح فين الي قلتلك تجيبهولي

- فى الصالة بره

رن هاتف حياء وبعد أن توضأت ووصلت إلى غرفتها، رن
الهاتف مجدداً برقم غير معروف وحينما أجابت وآدم بجوارها
- ألو

- استني قبل متقفي اسمعيني

ر عشة أربكت تماسكها لتخور كل قواها ويخفق قلبها
مجددا لقد تناست ذلك الصوت منذ مدة، لم يفعل هذا بها؟
أدمعت عينها وأعطت الهاتف لآدم، وكأنها تخبره
بدموعها أن ينقذها من حبه ومن نفسها ومما تشعر
أجاب آدم علي الهاتف ببرود:

- أيوه مين؟

أناه صوت عمر المتعجب عبر الهاتف قائلاً:

- مين إنت وتليفون حياء بيعمل إيه معاك وهي بتعمل
إيه في وقت زي ده معاك!

اغلق آدم الهاتف، فلو أجاب لفقد أعصابه من الغيرة
كيف يتحمل أن نبضات حبيبته تتسارع من أجل شخص
آخر وهي الآن تبكي من أجله.

أمسك آدم بيديها الصغيرتين وضغط عليهما محاولاً
طمأنتها ظلت واضعة رأسها على ركبتيها وهى ترتجف
وقالت بحزن

- مش عايزه أشوفه أنا تعبت

سبحان مقلب القلوب ذلك الذى كنت تخشى عليه
من أى شئ كرهته حد السماء وأكثر ثم محوته وكأنه لم
يكن لقد تغلبت على نفسي وأجمعت شتاتى وأحييت قوتى
من جديد بعدما فقدتها فى معاناتى معك، أصبحت على
هامش سطور حياتى ذكرى لا أود أن تعود حتى بمحاسنها

أما فى مصر اتصل عمر بيوسف وحينما أجابه قال:

- احجزلى اول طياره طالعه علي أمريكا

تعجب يوسف من طلبه المفاجئ فقال مستفهما:

- هتروح فجأه كدا؟

أجابه عمر بهدوء:

- لازم أروح ضرورى

سأله بإصرار:

- إيه السبب؟

- حياء يا يوسف

يوسف بصدمة:

- حياء حياء يا عمر حرام عليك دا أنا آيات قربت
تكرهنى بسبك من الى حصل فى صاحبته ابعده عن
حياتها بقي وسيبها تعيش يا بنى مش كل متأقلم على
الحياة من غيرك ترجع تدمرها وتبعد.

قال بعصية:

- هو أنا الى قتلها تحبنى أنا اصلا مكنتش عايز الحب
ده وقلتلها

- آمال رايحلها ليه دلوقتى؟

- مش هلاقى واحده تحبنى قد محبتنى واحده على
استعداد تعمل أى حاجه عشان بس تشوفنى سعيد

يوسف بتعجب

- يعني إنت عايز إيه منها دلوقتى مش فاهم

أجابه بجدية موجزا كلامه:

- يوسف شوفلى الطيارة أنا هقفل

قال بحزن:

- ماشى يا عمر هسألك الصبح في المطار وأقولك.

مازحه قائلاً:

- ماشى لو الصبح الحجز مجاش صدقني هتنضرب

- حاضر يا عم أنا صابر عليك علشان طالع من تعب
بس شوية وهخسر ك صدقني

عمر ضاحكاً:

- حبيبي دا العشم بردو

قلق آدم أن يترك حياء بمفردها فطلب منها أن تنام
بالغرفة المجاورة بالطابق العلوى وحينما وافقت حملها
وصعد بها إلى الغرفة كان غاضب جداً من هذا ال عمر
ظل بجوار حياء حتى غفت وذهب هو الآخر لينام
ولكنه وضع منبهًا جديداً الساعة الثانية والنصف

حينما رن جرس منبهه استيقظ وذهب لغرفة حياء طرق
الباب فلم تجب فدخل إلى الغرفة:

- حياء

أجابت بنعاس:

- نعم

- قومي يلا عشان هنصلي

نظرت له متعجبة

- هي الساعة كام؟

- ٢:٣٠

إزدادت دهشتها فقالت:

- واحنا هنصلي ايه دلوقتي لسه بدرى علي الفجر ابقني
صحيني أما يأذن

سحبت الغطاء على وجهها فقال بإصرار

- هنصلي قيام الليل يا حياء قومي يلا

قالت بتأفف

- هصليه من بكره يا آدم أنا تعبانة منمتش

إزداد إصراره فسحب الغطاء من فوقها وقال بصوت دافئ:

- يلا يا حياء متبقيش كسوله وبعدين إنتي متعرفيش
إن الصلاة في الوقت دا بتعمل انخفاض للكورتيزون وبتزود

الليكوترينز فيخليكي تقومي مرتاحه نفسيا ونشيطه وكم ان
بيقلل الاكتئاب فهترجيحني من اكتئابك وربنا هيحبك

سحبت حياء الغطاء ونظرت له بتعجب، قائلة:

- هو انت مهندس ولا دكتور؟

قال بغرور مصطنع:

- دا أنا برنس في نفسي أنا بتاع كله قومي بقي إنتي
عايزانى أسبقك للجنة

نهضت من نومها وجلست أمامه:

- لا تسبقني ايه اسندني للحمام عشان أتوضا

آدم يابتسامة:

- يلا

كانت تخطو خطى بطيئة جداً، حتى ذهبت لغرفة آدم:

مش قادرة ألف أنا صحتي على قدى - يا ابني نزلني
تحت أتوضا رايح فين

- تعالى الحمام الي في أوضتي بدل متنزلي كثير وتتعبي

- اعمم طايب

أسندها آدم حتى توضأت، وخرجت فجلست على سريره حتى توضأ هو الآخر، وأحضر لها كرسي لتجلس عليه وبدأ يصلي بها.

كانت حياء تشعر أنها داخل الجنة من عذوبة صوته وظلت تستغفر كثيراً وهي تصلي، حتى لا تُفتن به، وفي السجود بكت كثيراً فظل آدم ساجداً حينما سمع بكائها وقلبه يتألم، إلى أن انتهت فنهض من سجوده

بعد الصلاة سألها وكان الألم يمزقه:

- حياء انتى لسا بتحبيه بعد اللى عمله فيكي؟

لم تجبه فأكمل

تانى - لازم تبقى مؤهلة نفسياً إنك تشوفيه لأنك قريب أوى هتقابليه

تجمدت ملامح حياء وقالت بصوت مخنق

- قريب يعني إيه؟

- يعني عمر هيجي في أقرب طائرة لأمريكا زي مروحيته فأسرع وقت لمصر

تنحنحت بحرج وقالت:

- وإنت عرفت إزاي إنه جاي؟

- الشباب فاهمين بعض وبدل امتنعى عنه هيعمل
المستحيل علشان يرجعك ليه وكونك معايا فهو هيجي
عشان يعرف أنا مين

حاول آدم إظهار بعض الهدوء، وقال:

- لو اتغير فعلا وحس بقيمتك هتسامحيه وترجعيله؟

لم تجبه حياء، مما أشعل لهيب قلبه، فقال مجدداً:

- هترجعيله يا حياء؟

أمسكت يديه برجاء:

- آدم انا مش عايزه أقابله أنا خايفة أشوفه أنا بحبه
بس بكرهه هو الي علمنى الحب وهو الي ندمنى عليه
ربت آدم على كتفها، وقال:

- لازم تكونى قويه كفايا إنك تواجهى أى حاجه لازم
يكون عندك سرعة تقبل أى خسائر فى حياتك مينفعش
واحد يهز قوتك يا حياء ان شوفتيه اوعى تتهزى اوعى
توريله ضعفك تانى

- حاضر.

- قومي بينا نصلي الفجر علشان نقرا وردنا وننام

- يلا

صلى كل من آدم وحياء وجلس بجوارها يقرأ القرآن بصوته، وما إن انتهى حتى وجد حياء نائمة بفراشه، فأعدل نومتها وتركها نائمة وذهب لينام بغرفتها.

ظل ادم يشم عبيرها بالفراش وهو يشعر ان قليلا من الوقت وستعود حياء لعمر اذا ظلت ضعيفة بحبه هكذا كلما خطر لذهنه كونها مع شخص آخر غلت الدماء بعروقه ظل يستغفر الله حتى هدأت آلام قلبه ونام هو الآخر

رن هاتف حياء وعلت نغمته «هل لك سر عند الله بينك أنت وبين الله، هل لك صدقات تخفى لا يعلمها إلا الله قصص» ظل هاتفها يرن حتى استيقظ آدم، وأمسك بالهاتف فوجد:

«روحي يتصل بك»

فقال محدثاً نفسه:

- روحها الساعة ٧ الصبح!

لم يتوقف الهاتف عن الرن فأخذه إليها:

- حياء

- نعم؟

- روحى يتصل بيكي

قفزت من على السرير وقالت بسعادة:

- هات الموبايل كدا

وفي لهفه أجابت:

- وحشتيني

...-

- طمينني عنك

...-

- بجد حددتو معاد الفرح؟ إمتي؟

...-

- الف مبروك يا روحى أكيد هكون نزلت مصر أنا

أقدر محضرش فرحك

...-

- قشده سلام

كان آدم ينظر لسعادتها ويبتسم، ثم قال:

- آيات؟

- لمأح

تنهد بإرتياح، وقال:

- طيب يا ستي قومي روي أوضتك عايز أغير

نظرت حولها لم تكن تعي أنها ليست بغرفتها، فقالت
بصدمة:

- هو أنا كنت نايمه هنا؟

- آه -

- وإنت كنت فين؟

- هنا بردو

صرخت بوجهه بصدمة:

- نعم!

تصنع الجدية وقال:

- حد قالك نامي وأنا بقراً قرآن؟

أجابت بصدمة:

- تقوم تستغل الموقف، صدمتني فيك.

- هو انا شاقطك م الشارع دا أنا جوزك

قالت معاتبه:

- جوزي من غير حقوق يا آدم وهنفصل بعد كام شهر
متنسا ش

قال بضيق بعد أن ولاها ظهره:

- أنا كنت نايم في أوضتك وكنت بهزر معاكى
ومتقلقيش مش ناسي إننا هنفصل بعد كام شهر.
اخذ الملابس من خزانته، وذهب باتجاه الحمام فسألته
بهدوء بعدما أنبها ضميرها:

- رايح فين؟

- هغير في الحمام خليك براحتك.

دخل وأغلق الباب قبل أن تجيب وزفر بضيق بينما حياء
أنبت نفسها على تعاملها معه قائلة:

- أنا إتباردت كده ليه! وحتى لو نام يعني مهو
معاه حق دا أنا مراته هو كان عمل إيه يعني! بس كده
كده هنفصل ومينفعش يعلقني بحاجه منه احنا مجرد

أصحاب، أنا زودتها أوى كل ميهزر معايا أقفله منى أما
يخرج هصالحه.

على الهاتف كان يتحدث رجل مجهول الهوية مع آخر
قائلاً:

- أنا بقالى فترة براقب البيت والبنت دى مش بتخرج
منه وشكلها تخص آدم أوي

- يعنى معرفتش هى تقربله إيه؟

قال بيأس:

- لا أنا بقالى كتير هنا ومفيش فائدة بيروح شغله
ويرجع وهى مش بتخرج خالص

- أول ميخرج النهارده تروح تسألها عليه وتعرف هى
تقربله إيه فاهم؟

- فاهم يا باشا.

- لو بيعحبها يبقى أنا عرفت هنتقم منه إزاي

سألها بفضول:

- هتعمل ايه؟

تنهد بإبتسامة خبيثة، قائلاً:

- دا أنا هعمل عميل، المرة الجاية مترنش عليا غير
وانت وعارف مين دى خلىنا ننجز ونرجع مصر
- حاضر.

خرج آدم من الحمام وحياء مازالت بمكانها، لم ينظر لها
حتى وإنما وضع من عطره الخاص ومشط شعره، كان
على وشك المغادرة حينما استوقفته قائلة:
- آدم أنا اسفه

نظر إليها بدهشة، قائلاً:

- على إيه؟

فركت أصابعها بتوتر وقالت:

- اتكلمت ببرود معاك متزعش منى

أجاب بهدوئه المعتاد:

- لا مفيش حاجه

ظلت صامتة فقال:

- رجلك عامله إيه النهارده؟

- بقت أحسن الحمد لله

- طب شدى حيلك عشان تنزلى الجامعه من بكره

قالت بخفوت:

- متزعلش

نظر إليها نظرة عميقة وأمسك يديها، وقال بإبتسامة:

أنا اصلاً إتعودت على الدبش بتاعك ومش متعود إنك
تعتزرى فمتأسفيش تانى - أنا مش زعلان

رن هاتف آدم، فأجاب وهو مازال ممسكاً بيدها:

- أيوه يا اسلام

- صباح الخير يا مدير الشخص الى قتلتي عليه اسمه
عمر قاسم معيد في كلية الهندسه من بقاله ٣ سنين معروف
في الجامعة إنه شخصيه جاده طموح خلوق كاسب احترام
الي حواليه جدا

- لا مهو واضح

ضحك وأكمل:

- كان خاطب دكتوراه صيدلانيه وانفصل عنها من
أسبوعين عنده اختين أروى بتدرس في الجامعة الأمريكية

إدارة أعمال في الفرقة الأولى ونور في ثانوية عامة والده
ووالدته مسافرين عمان وأقرب اتنين ليه يوسف معيد في
هندسه برردو وخاطب بنت صيدلانيه وعلى عنده شركة
استثمار ومش مرتبط.

- تمام شكرًا جدًا يا إسلام.

- العفويا باشا صحيح نسيت اقولك هو حجز تذكره
لأمريكا ومسافر النهارده بالليل
إنفجر ضاحكا فقال إسلام بتوتر:

- ضحككتك مش مريحاني

نظر لحياء التي نظرت بتعجب هي الأخرى وقال
بهدوء:

- لا متقلقش

- طيب انا هقفل بقا عشان أروح الشركه وابقى أكلمك
في وقت ثاني

- تمام سلام

اسلام هو ابن خالة آدم وصديق طفولته المقرب، يدير
فرع شركة آدم في مصر نظرًا لكونه مصدر ثقة آدم الأولى

بعد المكالمه، حياء بتعجب:

- إيه المكالمه الى مقولتش فيها غير تمام وواضح
وضحكت دي

ابتسم قائلاً:

- دى مكالمه شغل

- إنت ماشي دلوقتي؟

- آه خلى بالك من نفسك

- آدم

- نعم

تحركت بإتجاهه ببطء وأمسكت بيديه، وقالت:

- ربنا يخليك ليا

ابتسم، وقال مداعباً:

- لا دا أنا اقعد ومروحش الشغل بقي

حملها آدم، فقالت بصدمه:

- إيه دا استني يا مجنون

- عايزك تتخنى بدل م انتى بقيتى شبه مسمار عشره
سم كدا

ثم تحرك بها مسرعاً فتسمكت بملابسه بقوة إلى أن
وصلا إلى المطبخ فوضعها فوق مائدة الطعام، وقال:

- بس إيه رأيك وأنا بشيلك؟

ابتسمت وأطرقت رأسها خجلاً، فقال:

- شكلك حيتشي الموضوع أوي يلا جهزى فطارك
وإفطرى وإدخلى ذاكرى لأنى هاجى معاكى الجامعة بكرة
وهخلى الدكاتره تعرفك عشان تتنفخى اما متفاعليش
معاهم الظهر ياذن تقومى تصلى اياكى تكسلى وكذلك
باقى اليوم لحد ماجى وأما تحسي انك زهقانه رنى عليا
وكزها بإصبعه مداعباً أنفها، وقال:

- تمام

قالت بإبتسامة:

- عُلْم وينفذ يا فندم

أمسك يديها وقبّل كفها من الداخل، وقال بهدوء:

- هتوحشيني

اضطربت نبضات قلبها، ونظرت أسفل قدميها
فانسحب آدم من أمامها قبل أن تنفجر، وغادر
مرت ساعه ورن جرس المنزل ظنت حياء أن آدم نسي
مفتاحه بالداخل ففتحت قائلة:

- إنت رجعت تا..

صدمت حياء من هذا الشخص الذى لا تعرفه وتسال
بتعجب :

!Who are you -

- تقدرى تتكلمى عربى أنا مصري زيك

- تمام مين حضرتك؟

- أنا صاحب آدم هو فين ومين حضرتك أنا أول مره
أشوفك

- أنا مدام ادم

سألها بتعجب غير مصدق:

- مدام؟

- آدم مش موجود ومش هينفع أطول في الكلام

- خلاص هجيله وقت تاني

حياء مكملة، دون أن تنظر إليه:

- حضرتك تؤمر بحاجة ثاني؟

- لا شكرًا.

بعدما انصرف أغلقت المنزل، وهاتف آدم وأخبرته أن صديق له أتى إلى المنزل.

- صاحبي ومصرى! غريبة مين ممكن يكون جه أمريكا من أصحابي

- مش عارفه يا آدم قال انه هيجيلك ثاني.

- طب شكله عامل ازاي؟

- بص هو أنا مش مركزة اوي لأنى مشوفتوش غير لحظة مكنت بفتح الباب، بعدها مبصيتش ليه كان طويل، وقمحاوي كده

آدم بتوتر:

- طيب لو سمحتي متبقيش تفتحي الباب لحد تانى نهائي حتي لو شاكاة إن أنا رني عليا الأول قبل متفتحي

- حاضر يا آدم

في مكان آخر:

- عندي ليك خبر بمليون جنيه

- ها عرفت هي مين

- آه البيه طلّع متجوز

- نعم!

- بقولها أنا صاحب آدم مين حضرتك اول مره أشوفك!
قالتلي أنا مدام آدم، لا وإيه بقي بنت مؤدبة جدا تخيل
مبصتليش حتي وهي بتكلمني! وجيت اتكلم قفلت في
الكلام وقالتلي آدم مش موجود

ضحك بخبث قائلاً

- مؤدبة لا حلوه شوقني أشوفها

- بتفكر في ايه؟

- بفكر استمتع.

- شكل مش هيبقي آدم بس لعبتك

عند آدم

رن هاتفه بإنذار، رسالة:

- آدم بيه بيتشر حلوة المدام الخجولة ابقني خلي بالك
منها بقي علشان دخلت دماغني «اظن عارف صاحب
الرساله» ههههه

آدم بعصبيه بعدما قرأ الرسالة أكثر من مرة:

- يابن التيت يا حقيير هو انت الي روحتلها البيت

أرسل إليه آدم، رسالة:

- تبقي حفرت قبرك بإيدك لو فكرت مجرد تفكير

تقرب منها

كسر الفازة الموجودة علي مكتبه بقوه أفزعت من
بالخارج ثم أخذ هاتفه ومحفظته وعاد إلى المنزل وأغلق
الباب بقوة

حياء برعب:

- إيه يا آدم فيه إيه

- إنتي أما فتحتي قلتي إيه بالظبط

قصت له ما حدث بالتفصيل فقال بإنفعال

- ليه قلتي إنك مراقي؟

نظرت له حياء بأعين دامعة، وقالت:

- يعني واحده قاعده في بيتك وبيقول إنه صاحبك

يعني أكيد عارف قرابيك أقوله إيه واحده شاقطها من

الشارع

- ياريتك قلتيه كدا

إنفجرت به بعدما تساقطت الدموع من عينيها قائلة:

- هو إنت شايفني كدا يا ادم؟

حينما أحس بصوتها المختنق نظر إليها فوجدها تبكي لم يعي آدم ردود فعل حياء علي كلامه ، فقال بحنان:

- أكيد لأ بس انتي متعرفيش حاجه عن حياتي يا حياء

لم تجبه، فسحب يديها وأجلسها علي السرير وجلس هو الآخر بجوارها وتنهد بحزن، قائلاً:

- موقعي من الشركة خلي ليا منافسين كثير جدا حتي أقرب ناس ليا منهم الي عايز يضرنى علشان ياخذ منصبي، والى شركتى معطلاه زى الي جالك النهارده دا واحد من اكبر رجال الأعمال الي شركتي رفضت صفقة مش تمام كانت هتنقله لوضع ثاني فبقي عايز يتقم ودلوقتي بيهديني بيكي انا زهقت حروب في حياتي والمشكلة إنى مينفعش أقع.

حياء بعدما أمسكت بيديه:

- إن لم تجد لك حاقداً، فأعلم أنك فاشل.

نظر بيعنيها مباشرة، وقال بصوت مختنق:

- أنا لو حصلي حاجه مش فارق معايا يا حياء بس
إنتي متتذيش إنتي بالذات لا إنتي حربي ومش هسمح
لحد يفوز بيها انا ممكن أنهيه من علي وش الارض فاهمه
خفق قلبها من خوفه عليها الذي رأته بعينه، وصدق
كلماته، واضطراب أنفاسه، فقالت بخفوت:

- تعالي يا آدم نام علي رجلي

نظر لها بصدمة وقال غير مصدق:

- إيه؟

قالت بإبتسامة دافئة:

- غمض عينك ونام لحد متهدا دا أوفر مش هعرضه
تانى و بعد دقيقتين هرجع في قرارى
بصوت خافت وصدمة، قال:

- ح حياء إنتى

قالت مازحة:

- لا حياء إيه دلوقتي دا قلة حياء يا جدع أنا ايه الي
بقوله دا أنا قايمه

تظاهرت أنها ستنهض من جواره فجذبها من يديها
أجلسها على السرير ونام علي قدميها كالأطفال.

لحظات مرت على الاثنين لم تتوقف نبضات قلبهما
وارتجافتهما، حركت حياء يديها على شعره، ثم قرأت

بعض الآيات من القرآن بصوتها لتطمئنه « الْإِزَّاءُ لِلَّهِ لَا

خَوْفٌ عَلَيْهِمْ وَلَا هُمْ يَحْزَنُونَ الَّذِينَ آمَنُوا وَكَانُوا يَتَّقُونَ لَهُمُ الشَّرَى فِي الْحَيَاةِ

الدُّنْيَا وَفِي الْآخِرَةِ لَا تَبْدِيلَ لِكَلِمَاتِ اللَّهِ ذَلِكَ هُوَ الْفَوْزُ الْعَظِيمُ»

« وَلَا يَحْزَنُكَ قَوْلُهُمْ إِنَّ الْعِزَّةَ لِلَّهِ جَمِيعًا هُوَ السَّمِيعُ الْعَلِيمُ »

شعر آدم بهدوء وطمأنينة فأغمض عينيه ونام سريعا

ظلت حياء تتأمل ملامحه الهادئة كالأطفال، كيف له أن

يعيش بهذا الوسط الحاقد، وسرعان ما تذكرت معلمها

بالمدرسة وهو يقول لا بد لكل نجاح ضريبة.

ظل آدم نائماً لساعات طويلة، وحينما أرهقت حياء،

وضعت الوسادة خلف ظهرها ونامت هي الأخرى.

وحينما استيقظ آدم، وجد نفسه مازال على قدميها

فخفق قلبه وظل يتأمل ملامحها النائمة وبمجرد أن أحست

بحركته استيقظت هي الأخرى، فنظرت له مبتسمة
وقالت:

- لسه متضايق؟

كالكسكس كان غارقاً في بحر عينيها فقال وهو يتأملها:

- عارفه أنا أول مره أفرح إني اتضايقت إعملي حسابك
أنا هجيلك متضايق كل يوم

انفجرت حياء ضاحكة، وقالت مقلدة صوته:

- شكلك حبيتش الموضوع أوشي

انفجر ضاحكاً، وقال:

- أنا بعشق جنانك حاجه منوعات كده بحسك طفلة
كبيرة

قالت بغرور:

- لا دا أنا أعجبك أوى الا صحيح هو إنت عندك
اخوات يادوومه

- السؤال الأهم هنا هل بعد دومه دي هركز في السؤال

ابتعدت عنه، وقالت بجدية:

- قوم يا آدم شوف وراك إيه

- ورايا إيه احنا في نص الليل ودا وقت حاجه واحده

نظر بخبث، فقالت بصدمة:

- إنت قليل الأدب يا آدم

قال مدعيًا الصدمة:

- صفني النية يا حياء أنا كنت هقولك نقوم نعمل أكل
علشان مأكلاش طول اليوم شوف والنبي قلة الادب الي
البت الي بتفكر فيها عيب يا ماما

تنحنحت بحرج قائلة:

- احم اه تقصد كدا طب طب يلا أنا فعلا واقعة م الجوع
سبقته علي المطبخ محاولة إخفاء إخراجها.

- حياء

- نعم يا آدم

- حضنك دافي أوي أول مره أحس إني مطمئن وإني بعدت
عن العك الكثير الي حوليا حسيتني مستخبي فيكي

- حياء بخجل:

- مش مراتك بقي وسكنك وكده أتمني أكون نلت
إعجاب معاليك

تنهد آدم بسعادة، وقال:

- طب متيجي أسكن تاني

ضربته بكتفه، وقالت:

- اتلم ده علشان كنت مخنوق بس فأنا شفقت علي
حالك.

- إعملي أكل كتير عشان نفسي مفتوحه على الأكل

- ومالو يا ضنايا كنت الشغاله اللي جابوها لك

- إنتي شغاله إنتي يا ملبن دا إنتي عسل

قفزت في الهواء حينما دغدغها بإصبعيه:

- آدم إنت مش طيعي اقسم بالله مالك

- والله مش عارف بس مبسوط

- ربنا يبسطك كمان وكمان بس سييني أطبخ علشان

جعانة اقسم بالله

- اتفضلي خدي راحتك، هجيب التصميم أعمله وأنا

قاعد جيبك هنا

- قشده

ذهب آدم لغرفته وأحضر تصاميمه، وجلس بجوارها.

- آدم

- أيون

- بتصمم ايه

- احنا هنعمل فرع جديد للشركه في دبي وانا الي
شغال علي تصميم المبني هناك عشان ابعتة لمقر الفرع
هناك يشتغلو عليه

- ما شاء الله وريني تصميمك كدا

- بصي لسه مكتملش دا هنعمل...

ظل آدم يصف لحياء شكل الفرع وهي سعيدة جداً،
وما إن انتهى ذهبت لتكمل العشاء وهو يكمل التصاميم
حتى انتهت حياء ووضعت الطعام بجوار التصاميم.

I am so hungry -

me too -

بس عارفه فيه أكل تاني حبيته أوي

- نهون

- عندك

- قولي عليهم وأنا ابقي أعملهولك بكره

- أكيد تعمليهولي بكره

- بإذن الله

- طيب بعد منخلص أكل فكريني أقولك

- حاضر

ما إن انتهوا من الطعام، قالت بفضول:

- ها إيه الأكل اللي عايزه؟

حرك أصابعه علي شفيتها، وقال بصوت خافت:

- ده احلي طعم أكلته في حياتي

تسمرت حياء من الخجل وشعرت بسخونة وجتيتها
فذهبت مسرعة إلى الحمام تلتقط أنفاسها بصعوبة بالغة.

- أوف إهدي يا حياء إهدي محصلش حاجه فيه إيه

إجهد يابت

- آه يا آدم يا قليل الأدب وشي إحمر كداليه! لا هو

زودها أوي بجدا أنا هه هروح أوضتي وأنام مش هكلمه

لازم أخذ موقف

حينما دخلت حياء إلى غرفتها طرق آدم على غرفتها
وقال بجدية مصطنعة بينما هو يتسم:

- حياء افتحي

- لا

- يا بت كنت بهزر معاكي افتحي

- لا مش فاتحه بقولك روح نام متكلمش معايا

- بقي كده

- اه كده واتلم بقاها اتلم

ابتسم آدم، وقال مدعيًا الحزن:

- طيب هجيلك أصحكي الفجر

- لا متصحنيش هعمل المنبه وأصحي أنا أصلي

- طب ماشي خليك، إنتي تطولي يابت ده أي واحد

تتمني بس أقعد معاها خمس دقائق علي بعض

حياء لنفسها:

هه - آه ياللي معندكش دم بنات إيه شالله تشك في

بطنك خلي واحد تقربلك

- بتبرطمي تقولي إيه؟

- بقولك تصبح على خير

- وإنتي من أهلي

ابتسمت حياء وأغمضت عينيها وتذكرت كل كلماته،
أما آدم فدخل إلى غرفته ليكمل نومه ولكن أبى النوم أن
يوافقه فظل يتذكر دفئها الذي خدره كلياً.

استيقظ الأثنين وصلي كل منهما الفجر بعيداً عن بعضهما
وفي الصباح، خرج آدم من غرفته فوجد حياء خارجة

- يا سلام على النشاط والحيوية مش مصدق إنك
صحيتي يوم بدري

ببرود قالت:

- عندي محاضرة بدري وسع كدا علشان أمشي

إمبارح - لا منا اصلا جاي معاكي مش قلتلك

- لا هروح لوحدي

- لا مش بمزاجك يلا

- مش رايحه معاك قلت

حملها آدم إلى السيارة وهي تصرخ:

- نزلني يا ادم

- لا

- مبهزرش نزلني حالا

- بس يابت

- آدم نزلني

وصل إلى باب السيارة فأدخلها ودخل هو الآخر وقبل أن تخرج أغلق السيارة فلم تستطع الخروج ظلت صامتة طيلة الطريق وكلما حاول تهدأتها انفعلت، ولم تتحدث حتى وصلاً.

نزلت حياء من السيارة وعند باب الجامعة رأت ما لم تتوقعه فشعرت انقباضات في قلبها ولم تقوى على الحركة تفاجئت حياء بعمر يخرج من باب الجامعة فظلت مكانها دون حراك، وحينما رآها ادم نظر لما تنظر وجد شخصاً ينظر تجاهها فأدرك أن هذا هو عمر الذي أحبته أمسك بيدها فنظر عمر إلى ذلك الأجنبي بشرر متطاير، ظنها فسدت أخلاقها بعدما سافرت، ذهب تجاهها قائلاً:

- إنتي ايه الي بتعملي ده معقول تبوظي مبادئك عشان جرح سببتهولك إنتي ضعيفه أوي كدا

آدم ببرود:

- مين انت وعايز ايه؟

عمر بصدمة:

- مصري !

أكمل بنفس البرود:

- مش موضوعنا بعد إذنك علشان تدخل محاضراتها

نظر آدم لحياء فوجد وجهها شاحب جدًا، فقال بصوت
يكاد يسمع:

- دلوقتي إنتي الي محتاجه تتحضني وأردلك الي
عملتيه امبارح.

لم تجب فقال محاولاً التشويش علي أفكارها:

- بقولك إيه متدوقيني الأكل الي كنت عايز أدوقه
امبارح

نظرت له بإنفعال فجذبها إليه، تشبث بأدم وظلت
وترتجف حتى هدأت تمامًا، فقال بصوت أعلى قليلاً
وصل إلى مسامع عمر جيداً:

- بقولك ايه انا بقالي اسبوع رايح جاي شايلك ايه
رأيك تدخل الجامعه كدا

تناست عمر تماماً، وقالت بتوتر محذرة:

- لا يا آدم شكلي قدام الناس متتجننش

تصنع الجدية قائلًا:

- يا بنتي اسمعي الكلام محدش هنا هيقول حاجه

- طب والله لو عملتها مقعدالك ف البيت شكلي ياعم
ميصحش والله

- خلاص انتي حره انتي تطولي

تدخلت الأحداث بعقل عمر فقال بتعجب:

- بيت إيه اللي قاعده فيه من أسبوع هي إزاي أخلاقها
بقت منحطه كدا! معقول دي اللي كانت أما تشوفني
مبتقدرش تبص لعيني

قال محدثا حياء:

- حياء ده مين؟

أجابت بهدوء:

- هترتاح أما تعرف؟

- آه

- وأنا مش هريحك واقولك

اتسعت ابتسامة آدم وأخذها داخل الجامعة، ذهب
هي لمحاضراتها، أما هو فذهب لدكتور صديق له يوصيه
عليها وهو خارج صادفه عمر كان هو الآخر يقف مع
دكتور كان يتواصل معه من زمن في طريق آدم تجاهل رؤيته
لعمر .

عمر بصوت عالي:

- مستر آدم لحظة لو سمحت

- اتفضل

عمر بذوق شديد:

- بعذر اني تجاهلتك من شوية واتكلمت مع حياء
بس لانها تخصني واخلاقها مكانتش يعني مكانتش اصلا
بتتجراً تبص لحد كانت خجوله اوي حتي مع اي حد
واخده عليه يمكن اتصدمت شويه فبكرت أسفى

قال آدم بابتسامة مصطنعة:

- حياء كانت وهتفضل أخلاقها كويسه ويمكن دلوقتي
أكثر من الأول

فقال بمكر:

- واحده بمقالهاش شهرين في امريكا وعاشه مع واحد
غريب في بيته وما زالت
آدم بهدوء:

- طيب رأيك احتفظ بيه لنفسك وياريت تبعد عنها
وكفايا الى عملته فيها لأنني مش هسمحك تقرب منها
وتنذيتها تاني

- هي كمان حكتلك عني لا واضح انك غالي عليها اوي
ببرود أكثر:

- اوي جدا

- بس انا مش بسيب حاجه بتاعتي
رمقه آدم بنظره نارية:

- عمرها مكانت ولا هتكون بتاعتك

عندما أحس عمر بغيرة آدم حاول إشعالها أكثر كي
يخبره ماذا يعني لها فقال بتعجب:

- حياء مكانتش ليا! لو كنت طلبت منها أي حاجة كانت
هتقدمهالي بكل بساطة يمكن محكتش ليك عن طبيعة علاقتنا

آدم بعصية:

إنت لمستها؟ -

- أنا عارف إنها مش هتقدر تنساني ببساطه كده

كان آدم يغلي فحاول ضبط أعصابه كي لا يتهور ويقتله
فقال بابتسامة باردة:

- خيلنا نشوف حب مين الي هيكمل وأحسنلك
متحدانيش لأن حبي مختلف تماما وحياء دلوقتي معايا
بابتسامة ساخرة:

- أنا اتغيرت كثير عن الي شافته زمان، وعارف
هخليها معايا إزاي، وأخليها تسامحي، فرصة سعيدة يا
مستر آدم.

ركب آدم سيارته وانطلق بها بسرعة وهمية، ظلت
كلمات عمر تتردد بذهنه ويخبط في المقود بشدة

- معقول لمسها!

أدمنت عيناه وزاد من سرعة السيارة حتى أنه كان
سيصير معه حادث أكثر من مرة وبعد وقت مر كالسنين
عليه عاد للجامعة كي يأخذها معه، وقف أمام الجامعة
وعندما خرجت ركبت بجواره فانطلق دون أن يتفوه بكلمة.

قالت بتعجب:

- آدم مالك؟

- مفيش.

- مفيش إيه ده إنت وشك أصفر شبه الليمون.

رد بجدية:

- فهمتى محاضراتك؟

أجابت بعفوية:

- لأ.

قال بنبرة صارمة:

- ليه يا هانم إنتى جايه تدلعى

صدمت حياء من صوته المرتفع وعصبيته، فقالت بحنق:

- معرفتش افهم، مكتتش عارفه أركز أوي

قال بإنفعال:

- طبعاً هتركزى إزاي بعد مشوفتى البيه

قالت بصوت مختنق:

- فيه إيه يا آدم إنت بترعقلى كده ليه؟

فاجأها بسؤاله:

- كان إيه طبيعة علاقتك بيه؟

- يعني إيه؟

- كنتى بتقفى معاه فين؟

أجابت مستفهمه:

- فين ازاي؟

قال بصوت أعلى:

- كتتم بتخرجوا فين؟ كان فيه إيه بينكم؟ إيه بقيتي
غبية فجأة!

أغمضت عيناها فانحدرت الدموع على خدها وألمها
قلبها وقالت بألم:

- ليه بتفكرنى بالذكريات دى ليه يا آدم انا كنت بدأت
انساه وانسي ذكرياته

يا الله ما زال حبه يتخلل إلى أعماق جزء مني ليربك
نبضات قلبي، ما زلت أرتجف حينما أذكره كيف أخرج
سمه من روحي فإنه سيقضى علي يوم ما.

قال بإنفعال:

- إنتى ليه ساكته إيه الى كان بينكم!

أجابت بأعين دامعة

- الى بيننا إنتهى مش عايزه أتكلم فى حاجه

عدم دفاعها عن نفسها أكد شكوكه فإزدادت حدته:

- كان فين عقلك إنتى كتنى غبية للدرجة دي!

قالت بصراخ وهى تبكى:

- كفايا يا آدم اسكت

خبط على المقود بقوة أفزعتها وألتقط أنفاسه بصعوبة
حتى صمت تماماً، أما حياء ظلت تبكى، وما إن وصلا
أسرعت حياء إلى غرفتها وأغلقت الباب وانفجرت باكية.
أما آدم فدخل غرفته ليتوضأ وصلى وبكى هو الآخر،
كانت الغيرة ستقضى على قلبه وعندما انتهى استلقى على
سريره يفكر بحياء حتى غفى.

حينما استيقظ خرج من غرفته فسمع صوت حياء
تبكى، لقد قسى عليها، ربما لم يكن ذنبها أنها قابلته وأنهم
تزوجا ولكن كان عليها أن تحافظ على نفسها، فالحب لا

يشفع لأى تنازلات، خرج من المنزل وأغلق الباب خلفه بقوة أفزعته كانت تريد أن تعتذر ولا تعلم لمن، لنفسها أم لزوجها الذى بدأت تعتاد وجوده

حاولت النوم كثيراً فأبى النوم أن يوافقها، فقررت أن تذهب لتشتكى لربها، صلت وبكت كثيراً حتى هدأت.

وما إن انتهت خرجت ومكثت بصالة المنزل حتى يعود وحينما دقت الساعة الثالثة وجدت باب المنزل يفتح ودخل آدم دون أن ينظر لها، فقالت بإرهاق:

- إنت اتأخرت كده ليه؟

آدم ببرود:

- عادى

فركت أصابعها بتوتر قائلة:

- طب أنا عايزه أتكلم معاك

أجاب بنفس البرود:

- مش وقته

حاول أن يصعد فأعترضت طريقه وأمسكت بيده وقالت بإصرار:

- لازم تسمعنى أنا مستنياك من بدرى

سحب يده من بين يديها، وقال بحدة بعد أن رمقها
نظرة نارية:

- قلت مش وقته إنتى مبتفهميش

بكت وابتعدت عنه وذهبت بسرعة لغرفتها توضأت
وصلت الفجر ثم نامت عازمة على ألا تعطيه إهتمام فقد
جرح كبريائها بما يكفى.

فى الصباح خرجت من المنزل فوجدت آدم بانتظارها
فأبت أن تركب معه فقال ببرود:

- اخلصى اركبى

قالت بحزن:

- هروح لوحدى

- تحبى أعمل زى امبارح وأركبك بالعافية

صرخت بوجهه:

- إنت عايز إيه منى! روح شغلك أنا بيك أو من غيرك
حياتى هتمشى

قالت هذا وهى تضغط على الحروف فنظر لها نظرة
أخافتها وقال:

- اركبى حالا وإلا والله يا حياء هتندمى،

نسيت أمر إلتواء كاحلها وضربت بقدمها فى الأرض
بإنفعال فصرخت من الألم وركبت السيارة بسرعة بعدما
فقدت قدرتها على الوقوف

نظر إليها آدم بحزن وهى تمسك بقدمها وعينيها تدمع
تنهد بألم وانطلق مسرعا نحو الجامعة

وحينما وصلا الجامعة رأى آدم عمر فرمقه نظرة نارية،
ولكن عمر لم يبال، أوقف حياء قائلاً:

- حياء أنا لازم أتكلم معاكى

حياء وهى تسير ببطئ شديد:

- مفيش بينا كلام

- أنا متنقلتش من بلد لبلد ووقفت شغلى علشان
اسمع الكلام ده على الأقل نتكلم مرة وبعدين هسيبك
القرار.

نظرت لآدم الذى كاد أن يحترق فأنقبض قلبها، وقالت
لآدم:

- أنا أتاخرت عايزه أدخل محاضرتي

آدم بيروود وصوت هادئ:

- هتخلصي امتي؟

- الساعة ٣

- هخلص شغلي وأجيك

جذبها لأحضانه، للحظات لم تصدق ما يحدث ولم تقاومه سكنت تماماً بين يديه وشارت نبضات قلبها، أيعقل أن تكون وقعت بحبه وتحشى فقدانه؟

بعدها ابتعد عنها نظرت له بتعجب، فقال:

- ده علشان اليه الى واقف مش حبا فيكي متتحركيش من هنا بعد متخلصي ولحد ما السنة دي تخلص ونفصل ياريت تبقى عارفه إنك مسئولة مني.

انقبض قلبها وظلت تتردد الكلمة بأذنها «نفصل» هل ستفصل عنه وينتهي كل شيء وتعود حياء الوحيدة من جديد! لقد أحبته لن تحتمل فراقه، لن تقوى على الابتعاد لقد أثارها بعدما انطفئت كيف يتركها ويرحل!

انصرفت من أمامه وهي تحت أثر الصدمة فلم تجب بأي كلمة وذهب هو الآخر إلى عمله.

ظل عمر يترقب خروج حياء وما إن انتهت حتى
إعترض طريقها وقال بجديّة:

- عرفيني حالا مين آدم ده ويعنيلك ايه علشان تروحي
وتيجي معاه بعدها صدقيني أنا اللي همشي.

لم تجبه فأمسك يديها لتتوقف فارتجفت من لمسته
وتذكرت لمسته الأولى فظل قلبها يعلو ويهبط

فقال بثقة:

- أنا متأكد انك لسه بتحيني فليه بتهربي مني! إن
كنت غلطت في حقك فمفيش انسان معصوم من الغلط
أنا عايزك

إن مشاعرها المتضادة تكاد تقتلها ولكنه سيتهى من
حياتها لن تبقى بين السماء والأرض عالقة، كانت على
أتم استعداد لتلغى نفسها لن تعود لشخص إستضعفها
فحاولت سحب يديها مراراً وهو يظل يضغط عليها حتى
تخدر إحساسها كلياً

حينما رأى عمر آدم بالمكان علم أن هذه فرصته لإبعاده
عن حياء فجذبها وطبع قبلة على شفتها وقبل أى ردة
فعل من حياء جذبها آدم خلفه ولبس بشجار طويل مع
عمر ثم قال بصوت جهورى قبل مغادرته:

- إياك تقرب منها تانى

جذبها بقوة كادت يديها أن تنخلع بين يديه، وفى السيارة:

- آدم أنا

قال بإنفعال:

- اخرسى أنا مش طايق اسمع صوتك

- أنا معملتش حاجه أنا كنت بقوله

صفعها صفعة مدوية، وقال بقسوة:

- إنتى حتى محترمتيش وجودى فى حياتك، من أول مره
يكلمك حينى للقرف الى كنتى عيشاه، مقاومتيش يوم
واحد، إنتى إيه!

نظرت له بصدمة وإنهمرت الدموع من عينيها كيف
تحول إلى هذه القسوة!، كفى جرحاً لكبريائها أما يكفى
الحياة قسوة عليها! كيف ستتحمل الحياة إذا كان ملاذها
الدافئ، أصبح بارداً هكذا؟.

وصلا إلى المنزل ونزلت من السيارة وهى تتحرك ببطء.

تعجب من خطواتها الهادئة، ولكنه تركها وسبقها إلى
الباب وقبل أن يفتحه قالت بصوت يكاد يسمعه:

- آدم

لم تعد تشعر بأى شئ حولها فسقطت على الأرض
مغشياً عليها، آدم برعب:

- حياء!

جلس بجوارها، وحملها من الارض وأدخلها لغرفتها
بالتابى السفلى وجلس بجوارها قال بأعين دامعة:

- حياء ردى عليا أنا عارف إنى زودتها بس إنتى
جرحتينى معقول تخليه يبوسك!

حاول إفاقتها دون فائدة، فهاتف مايكل وطلب منه أن
يأتى على وجه السرعة

أمسك يدها وضغط عليها بقوة وقال بصوت مختنق:

- حياء فوقى

وصل مايكل وبعدها أجرى فحوصاته أخبره أن تعرضها
لضغط نفسى أدى لإغماء ويجب أن لا تتعرض لأى ضغط
حتى لا تتدهور حالتها أكثر وطلب منه أن ترتاح أسبوع
حتى تتحسن. ذهب آدم معه للخارج لإحضار الدواء
وعاد ليملك بجوارها من جديد

على الهاتف يتحدث أحدهم

- يا باشا البنت اسمها حياء وشكلها قافشه مع آدم لأن
كان يبصلها وحش جدا وبعدها أغمى عليها

قال الرجل على الجانب الآخر:

- طب خليك عندك وأعرفلى الجديد وأما تكون فى
البيت لو حدها عرفنى ولو عرفت تجيبها انت يبقا سهلت
الموضوع

- أمرك

ظل آدم يداوى حياء حتى تستعيد وعيها وحينما
استيقظت ورأته بجوارها، أشاحت وجهها عنه وأغمضت
عينها بحسرة قائلة:

- طلقنى يا آدم

انقبض قلبه، وقال بإختناق:

- عايزه ترجعيله!

لم تعط كلامه أى إهتمام وإنما عادت طلبها مجددا:

- طلقنى يا آدم

صرخ بها:

- إنتى ليه ضعيفه قدامه ده باعك إنتى فى أول مشكلة فى
حياتك مش هتلاقيه مش هيكون سند ليكي
قالت باختناق:

- وأنا مش تريتوش، انا كمان بعت ومش عايزاه ولا
عيزاك طلقنى

مش هطلقك يا حياء ولو جوازنا صفقه فأنا بكمل
صفقاتى لنهايتها مبنسحبش من النص ولحد متيجى
تسافرى هتفضل على ذمتى

- بس أنا مش عايزه أفضل معاك

قال بجدية:

- مش بمزاجك وأنا مش فاضى للعب العيال ده، أنا
هقوم أجيب الأكل.

- مش هاكل.

قال بهدوء:

- أنا مأكلتش من امبارح ولو مأكلتيش مش هاكل أنا
كمان وهتلاقيني محصلك فى نفس النومه دى.

لم تجبه فذهب وأحضر الطعام وجلس يأكل معها

- قالك إيه أما وقفتي معاه؟

لم يأتته رد.

وضع يديه على يديها فأنفضت بذعر، سحب يديه وقال وهو مختنق فقد أصبحت حبيته خائفة منه :

- أنا أسف دى أول مره فى حياتى أمد ايدى على واحده، مقدرتش استوعب اللى شوفته وإنتى كمان غلطتى

تجاهلت كلماته وقالت:

- أنا شبعت تقدر تشيل الأكل وأقفل الباب وراك عشان أنا هنام

- أنا هقعّد معاكى وإنتى نامى

- لأ بعد اذنك سيبنى لوحدى

بصوت مختنق قال:

- طيب اللى يريحك

تركها وخرج .

شعرت حياء بالاختناق فخرجت إلى حديقة المنزل لتجلس بها فاذا بأحد من خلفها يكممها حتى فقدت الوعى مجدداً.

أما آدم فلم يكحل النوم عينيه في هذه الليلة من القلق عليها، خرج من غرفته ليطمئن عليها فوجد الغرفة فارغة، بحث عنها في كل أرجاء المنزل، فلم يجدها فأنقبض قلبه وخرج مسرعاً من المنزل وظل يبحث عنها في الطرقات ولكنه لم يجد لها أي أثر، وبينما هو عائد وصلت رسالة إلى هاتفه:

- اطمئن المدام في الحفظ والصون استنى مكالمة مننا

صرخ آدم بالهاتف:

- لا يا حقير إلا حياء

رن على الهاتف الذي أرسل الرسالة أكثر من مره وجده مغلق. أجرى اتصالات هاتفية كى يصل إليها ولكن دون فائد فظل ينتظر مكالمة منه على أحر من الجمر قلبه يكاد يتوقف من القلق ولكن ليس بيده حيلة، كلما تخيل أن أحدهم لمسها تغلى الدماء بعروقه.

وعند حياء:

عندما أفاقت وجدت نفسها بغرفة صغيرة لم ترها من قبل، نظرت حولها بتعجب وقالت:

- أنا فين؟

أُتاها صوت غليظ:

- مدام آدم بيتشر اطمنى إنتى فى بيتى لحد ما جوزك
يجي ياخذ

حاول لمسها فانكمشت وأبعدت يديه عنها.

- لا ومحترمه كمان تصدقى هتدخلى دماغى

تذكرت حياء كلمات آدم عن هذه الشخص الذى
يكرهه فقالت مستفهمة:

- انت عايز منى؟

- أنا عايز من جوزك مش منك.

ثم فكر بخبث وأكمل:

- وممكن أعوذ منك مضمنش نفسى الصراحه

قالت مؤنبه ضميره:

- حرام عليك اتقى الله مش خايف من ربنا

ضحك وقال بسخرية:

- نعم يا حضرت الشيخه

اقترب منها وحاول لمس جسدها فأبتعدت وتصنعت الثبات.

- إنت واحد زباله

رد بتحذير:

- اتلمى يا بت لأحسن وربى أندمك

صمتت حياء وكادت تموت رعباً وما أخافها أكثر،
حينما سمعته يتحدث مع آدم عبر الهاتف:

- مليون دولار تعويض عن الخسائر اللى سببتها لى ومعاك
يومين لو مجبتش الفلوس انسي الهانم وأنا همسك نفسى
عنها اليومين دول مع إنها داخله دماغى أوى وعجبانى

لمس حياء فصرخت، فقال آدم بانفعال:

- اقسم بالله يا وليد لو قربت منها لأدفنك مكانك

قال بضحكة ساخرة:

- حلو اللى بسمعه ده، بدل خايف عليها أوى كده
الفلوس تجيلى فى خلال يومين وإلا اقرأ الفاتحه على روحها
أغلق الخط وكاد عقل آدم أن يتوقف، مليون دولار مبلغ
هائل وهو وضع كل أمواله لبناء فرع جديد لشركته
ركب سيارته وانطلق إلى البنك ليسحب المبلغ ويؤجل
بناء الفرع.

حياء بخيبة أمل:

- حرام عليك ده مفيش بنى آدم يقدر يجيب المبلغ ده فى يومين ولا رئيس الجمهورية مستحيل هيجي.

نظر إليها بفتور وقال:

- والله هو حر أنا فى الحالتين كسبان

نظر لجسدها بتفحص فشعرت بالاشمئزاز منه،
أغمضت عينيها وظلت تبكى وتستغفر ربها لينجيها من
هذا الشخص عديم الرحمة.

أما عمر فبعدما إختفت حياء ليومين، سأل صديقه
عنها وأخبره أنها كانت تأتى مع زوجها؛ وهو رجل
أعمال مشهور لم تأخذه الصدمة كثيراً فطلب عنوان منزله
وبعد دقائق أحضر له عنوانه من معارفه بالجامعة.

انطلق متوجّهاً إلى منزل آدم وحينما طرق الباب لم يجب
أحد وفى طريق خروجه رأى سيارة آدم فتوقف لينتظره،
حينما رآه آدم أشتعل به غضباً:

- هى حصلت تحيلى بيتى!

قال بهدوء:

- أنا مكتتش أعرف إنك اتجوزت حياء

قال بإنفعال:

- وعرفت؟ صلح بقا الى عملته ورجع حياء

عمر بقلق:

- هي فين؟

قال بإستهزاء:

- مخطوفه

ظن عمر أنه يمزح فقال:

- هي فين بجد؟

أجابه بجدية:

- زي مسمعت، حياء اتخطفك مكانتش بتخرج من البيت من غيرى وأما اتخانقنا بسببك خرجت واتخطفك ودلوقتى طالبين مليون دولار علشان يسيبوها

عمر بصدمة:

- كام! مين دول ويعرفوها مينين؟

- يعرفونى أنا وعرفوا إنها مراتى فاتخطفك وحاليا مستني مكالتهم علشان أشوف هقابلهم فين.

دخل آدم لمنزله وعمر خلفه:

- ممكن أقعد معاك شويه؟

- يا اخي والله منا طايقك.

- لو كنت قلت من الأول إنك إتجوزتها كنت بعدت

- كان لازم تدوق من نفس الوجع اللى عاشته بسببك

- أنا حالياً عايزها بس تسامحني

آدم بتعجب:

- تسامحك على إيه ولا إيه! أنا مشوفتش منها غير دموع وصريخ وعصبيه وإنفعال مكنتش مصدق فعلاً إن جواها روح مرحه لحد معرفت انها كانت أصلاً شخصية مرحه وإنّ طفيتها، مفكرتش تتقى ربنا في مشاعر هاليه! إذا كانت فضلت باسم الحب وكان عندها أمل انك تتغير فانت فضلت باسم إيه؟ مفيش أى علاقه ينفع تتجمع مع الحب إنت كسرت قلب طفله بكل سذاجه لأنك مفكرتش غير في إنك بعد كل الزكريات اللى بتسيبهاها هتكرها فيك علشان ترضى ضميرك. ربنا هيسألك عن كل دمعة نزلت من عندها وكل قبضة قلب وكل وجع ولخبطه عاشتها بسببك وساعتها ابقى فكر في حجه مناسبة

تقنع ربنا بيها زى مآقنعت نفسك إنك مغلطتش فى حقها
علشان أما النبى وصى على القوارير إنت كنت بتكسر
وصيته دى بكل قسوة وخليتها شخصية ضعيفة بتخاف
من التعامل مع أى شاب.

كان عمر يستمع لكلامه بصمت تام لقد افصح آدم عن
معاناته مع حياء فتألم عمر الذى لا يتمنى أن يعيش حياه
شبيهه مع من سيتزوج صمت وترك آدم يفرغ ما يؤلمه فقال:

- أنا مش بعفيها من الغلط علشان مكانش ينفع تدى
مشاعرها لواحد ميقدرش، فكرته هيحترم المشاعر دى،
ودلوقتى أنا الى بتحمل نتايجك أنا الى عشت معاها
اكتئابها وحاولت افوقها ولسه قريب أوى بدأت تفوق
وتضحك وترجع تقوى من جديد جيت إنت بكل بساطة
بوظت كل حاجه أنا مش مهتم دلوقتى بأى حاجه غير إن
حياء ترجع، حياء تعبانه وأى ضغط هيتعبها أكثر.

قال بإختناق

- تعبانه ماها؟

وضع آدم وجهه بين كفيه وقال بندم:

- أما شوفتك بوستها فى الجامعة ضربتها، بعدها أغمى
عليها والدكتور قال إن غلط تتعرض لأى ضغط نفسى تانى.

عمر بندم:

- إنت لو استنيت رد فعل حياء كانت هتفاجئك

سأله بعدم فهم:

- يعني ايه؟

- يعني انا شوفت الشر اللى فى عنيك فى الوقت ده وعرفت إني لو لمست حياء سهل جدا يحصل مشاكل بينكم وإنت حتى مش هتستنى ردة فعلها، حياء كانت وقتها رافضه تتكلم معايا.

- يعنى مش بمزاجها!

خبط آدم على الطاولة أمامه فانكسر زجاجها وأكمل:

- يعنى أنا كمان غلطت فى حقها وجرحتها! اكيد كسرتها لما رفضت اسمعها

- انت مكانش عندك ثقة زايده فيها

قال باختناق:

- صدقنى لو مش مشغول بحياء كنت ندمتك ندم عمرك على اللى حصل، أنا خارج وياريت ارجع متكونش موجود

رن هاتف آدم فأجاب مسرعاً:

- حضرت المبلغ؟

- أيوه فين حياء؟

- موجوده.

- خليها تكلمنى

وضع الهاتف على أذنها:

- ردى

- آدم؟

قال برجاء:

- حياء أرجو كى سامحيني أنا جايلك

قالت ببكاء:

- أنا خايفه أوى.

سحب وليد الهاتف:

- كفايا كده علشان بصراحة صوتها مغرى وأنا

مضمنش نفسي

- يابن ال..

ضحك قائلاً:

- بس بس انت هتقل أدبك اخلص تعالى عند ... وأنا
هبعثلك واحد ياخذك

آدم بقلة حيلة:

- ماشى

أغلق آدم الخط وبينما هو خارج من منزله أعطاه عمر
رقمه، وقال بهدوء:

- أجي معاك؟

تنفس بهدوء وقال:

- روح للشرطة يا عمر وأعمل تتبع لرقمى لأنى مش
هلحق أروح فى مكان

عمر بتفهم:

- تمام

تبادلا الأرقام وذهب كل منهما إلى وجهته، عندما وصل
إلى آدم الشخص الذى أرسله وليد وضع عصا به سوداء
على عينيه كي لا يعرف طريق المنزل وبعد نصف ساعة
تقريباً وصل آدم إلى المكان المقصود ودخل فوجد حياء
أصبحت هزيله جداً وجهها ذابل فقال بألم:

- سيبها يا وليد أنا جبتلك الى إنت عايزه

ضحك وليد قائلاً

- أنا لسا مخلصتش حتى معاك أنا هحرق قلبك عليها
زى محرقت قلبي على الصفقة

- إنت طلبت تعويض بينيلك شركة من جديد مش
صفقة

- بردو نارى مبردتش الفلوس بالنسبالك سهله

اقترب من حياء ورفع حجابها فقال آدم بصوت
جهورى:

- وليد ابعد عنها

سحبه رجال وليد المتواجدون بالغرفة وأبعدوه عن
حياء وكلما حاول الافلات منهم، أخذ لكمة قوية من
أحدهم

حياء ببكاء هستيري:

- الحقنى يا آدم

سحب وليد حجابها فانسدل شعرها الناعم على ظهرها
ليزيدها جاذبية

صرخ آدم به:

- وليد سييها والله لأندمك.

حاول الافلات بعدة طرق ولكن هيهات فالكثرة
تغلب الشجاعة

أغمضت حياء عينيها باستسلام ما عادت تحتمل البقاء
صامدة أكثر و بهت وجهها بشدة حاول انتزاع ملابسها
فضمت نفسها بقوة وتمسكت بالملابس فمزقتها وما تبقى
سوى بدى حمالات كانت ترتديه تحت سترتها فأجهشت
بالبكاء

آدم بدموع وصوت مختنق:

- كفايا

نظر له وليد بتشفي:

- مش قادر أصدق إن دموعك تنزل على واحدة لا
واضح إن سرها باتع ودخلت دماغى اكثر
قال بأنفاس متقطعة:

- حقق انتقامك ده منى أنا سييها في حالها

تصنع التفكير وقبل أن يتحدث هجم رجال الشرطة
على المكان وخلصوا حياء من بين يديه

قفز آدم إلى حياء وألبسها قميصه ثم غطى شعرها بحجابها.
نظرت حياء لعمر الواقف خلف آدم بتعجب وما هي
إلا لحظات وفقدت وعيها
آدم بفرع:

- حياء حياء ردى عليا

طلب عمر من آدم أن يجلس بجوارها بالكروسي الخلفى
للسيارة وسيوصلهم إلى المستشفى ليطمئن عليها قبل
أن يسافر فرح بفرته وإتصل بمايكل ليجده مازال
بالمستشفى وبعدما وصل إلى آدم ووجد المريضة هي الفتاة
نفسها إنفعل بشدة لأنه أخبره أن حياء بحاجة للراحه فقد
تدهورت حالتها ودخلت بغيوبة.

إستأذن عمر ليغادر المستشفى كي ينهى أوراق سفره بعد
أسبوع أما آدم توضأ ومكث بجوار حياء يصلى ويتضرع إلى
الله بالدعاء وهو يدمع لأنه من تسبب بكل ما حدث لها،
كانت تهرب من مشكلة صغيرة بحياتها فتعرضت لما هو
أسوأ أنهى صلاته وجلس بجوارها قائلاً:

- أنا مش هتحرك من هنا غير لما تفوقى قومى بقى
يا حياء وحشتينى، قومى نيمينى على رجلك أنا مخنوق
كانت دموعه تسيل دون أن يشعر

- أرجوكى كفايا تختبرى صبرى قومى بصيلي واتعصبى
عليما أما ارخم عليكى أنا عارف إنى جرحتك بس أنا
والله العظيم بحبك

أدمع عمر الذى كان وصل للتو وسمع كل ما قاله آدم.
لقد سبب ضرر ليس بحياة حياء فقط لقد عوضها الله عن
جرحها الذى ظنته لن يلتئم. هى تستحق أن يكون معها،
تستحقى أن يحبك أحدهم كأنك معركته الأولى والأخيرة،
يستنفذ كل ذخيره من أجلك إن مات مات فيكى حباً،
وإن حياء، حياء بعشقتك تستحقين بقلبك الصادق، ونظراتك
الدافئة، أن يحافظ عليك أحدهم، أن يحتويكى ويكون
ملاذك الدافئ لا تستحقين الجفاء أنتى أرق من أن يجرح
قلبك أو يقسو عليكى أحدهم.

بعد لحظات تغيرت ملامح آدم وقال بسعادة:

- حياء

دخل مسرعاً إلى غرفتها ووقف بجوار آدم، فتحت حياء
عينها ونظرت بتدقيق غير مصدقة وجود آدم بجوار عمر

ثم أغمضت عينيها مجدداً كي لا تراهما أمامها فكل له
جرحه الخاص.

آدم بلهفة:

- إنتي كويسه؟

- اخرجوا برا مش عايزه أشوف حد

- حياء اسمعيني

- برا مش طايقه اشوف حد فيكم كفايه بقا

انسحب عمر، وترك آدم بجوارها:

- حياء أنا معرفش إنك رفضتي تتكلمى مع عمر،
أنا مكنتش موجود غير فى لحظة محدش يستحملها.

قالت بصوت متهدج:

- إنت حتى مديتيش فرصة أدافع عن نفسى، بأى
حق تمد إيدك عليا؟ أنا اتقيت ربنا فى وجودك مع إنك
ملكش أى حقوق زوجيه عندى

صمتت لتلتقط أنفاسها، ثم أكملت:

- أنا بكرهك يا آدم بكرهك زى مكرهته

بصوت مختنق قال:

- بس أنا بحبك

صرخت بوجهه قائلة

- إنت كذاب أنا مبقتش بصدق حد اطلع برا لو سمحت

لم يرد أن يُسبب لها مزيداً من الضغط حتى لا تسوء حالتها أكثر، فقال مماًزحاً كي يُنهي الحديث:

- على فكرة بقي إنتى مش هتلاقى زي، ي ومش هتكونى لغيري، ومش هسيبك تبعدى، وطلاق مبطلقش والله لو وقفنى على راسك واتحمدى بقي عيله مستفزة خرج وأغلق الباب خلفه تاركاً حياء مصدومة فقالت بصوت مرتفع:

- مغرور

فتح الغرفة وقال مبتسماً

- بتقولى حاجه يا روى؟

حياء بعصبية:

- اطلع برا

تراجع للخلف قائلاً:

- احم شكلى بقي زى النيله حاضر

خرج آدم وأغلق الباب ظلت تنظر لسقف الغرفة بلا
مبالاة فأصبحت لا تريد سوى أن تبتعد عن كل شئ عن
حبها الأول وملازها الذى إحتمت فيه لقد أحبته وهما هى
الآن تتألم من الخطأ ذاته للمرة الثانية

أغمضت عينيها بألم آه يا آدم لو تدرك ما أوصلتنى
إليه! أقسمت عليك بالذى كان بيننا أن تتركنى ولا تعود لا
طاقة لى أن أحيا كي تميتنى من جديد

عمر لآدم:

- هى عامله إيه دلوقتى

- أهى مش طايقة تبص فى وشى كله منك إنت أنا
مسامحتكش أنك بوست مراتى كنت و..

- احم خلاص بقي قلتلك مكنتش أعرف إنك إتجوزتها

- الى عملته معايا وتتبعك للتليفون خلانى أسامحك

عمر بإبتسامة

- عقبال حياء.

آدم بخيبة أمل:

- قول يارب يا خويا دى عنيده بشكل

- كانت مريحة

آدم بغيرة

- إمشى من وشي يا عمر

إنفجر ضاحكا

- احم سورى

- هروح اشوفها

دخل آدم إلى غرفتها وجدها نائمة ظل يتأمل ملاحظها
حتى استيقظت وحينما فتحت عينيها وجدته أمامها ممسكاً
بيدها فخفق قلبها وحاولت سحب يديها ولكن قوتها قد
ضعفت جدا فلم تقوى أن تتخلص من يديه قالت بجدية:

- سيب ايدى

- ايه المقابل؟

- مقابل ايه؟

- إنى اسيب ايدك

- وهى دي فيها مقابل؟

قال براءة:

- اه أنا عايز حضن والله أصل أنا تعبت أوي اليومين
الى فاتو دولن.

- آدم اطلع برا

ابتسم قائلاً:

- طب قومي كلى

قالت بعفوية:

- قال يعنى هيقالى نفس بعد مشوفتك

- ياه ع الكسفة الى انت فيها يا حازم

أشاحت وجهها عنه فقال معاتباً:

- يعنى هتفضلى زعلانه منى يا حياء ومش هتسأخيني
علشان غلطة واحدة! انتى مش واثقة فى حبي ليكي

- أنا مش بثق فى حد

قال بحزن:

- أنا لو مش هحبك مش هوقف شغلي في دبی
واسحب أرصدت الشركة الجديدة علشان بس تكونی
معايا، مش هخاطر بحياتي وأنا رايح مكان مش عارفه
وأنا مش في بالي غير إنك تكونی كويسه مفيش أي حاجه
عملتها تشفعلي عندك انك تسامحيني!

أغمضت عينيها وقالت بدموع:

- أنا عايزه أبقى لوحدي ياريت تطلقني

- انا طلاق مش مطلق والله منا مطلقك اخبطي راسك
في الحيطه بقي

ثم خرج يتأفف:

- يياي قلبك بقي أسود كده ليه!

أنهت حياء أيامها بالمستشفى ظل آدم بجوارها لم يفارق
المستشفى أما عمر فقبل أن يسافر طلب من آدم أن يعده
بأن يجعل حياء تسامحه وغادر.

حينما خرجت حياء ذهبت إلى منزل آدم وأخذت كل
أغراضها.

- إنتي رايجه فين؟

- ملكش دعوه أما السنة تخلص هاجي تطلقني

- إنتى متعرفيش؟

نظرت له ليكمل فقال

- أنا قررت مطلقتيش خالص عشان تفضلى قاعده كده، لو مش هتكونى معايا مش هتكونى مع غيرى.
ثم ابتسم وتحنح قائلاً:

- احم اصل أنا زوج ديموقراطي

صرخت حياء بوجهه وهي تضغط على الحروف قائلة:

- نعم يعني ايه مش اتفقنا نفصل بعد سنه؟

قال بجديّة مصطنعة:

- لا منا غيرت الاتفاق

زادت حدتها:

- إنت بتغير من نفسك أنا اصلا مش بطيق أشوفك،
عايزنى أكمل معاك باقى حياتى إزاي!

- بصى أنا هرفق بحالك وأسيبك تعيشي فى الدور اللى
تحت بعيد عنى، بس والله متخرجى من الباب بدون إذننى
منا مطلقك حتى لو السنه خلصت فاستحملى سنه بدل
متستحملى باقى حياتك.

أَلْقَتْ بِحَقَائِبِهَا بَعْصِيَّةً:

- بس ده اسمه استغلال

رد بإستفزاز:

- آه منا مستغل أوي خصوصاً البنات الحلوين

- البنات آه منا واخده بالي

- آه طبعاً ده فيه حتى حته بت عماله بتدحلبلي كدا في
المكتب وتحيل يمين شمال بس إيه بقي صاروخ

حياء وكادت الغيرة تقتلها :

- متروحلها وتخلصني منك أهى تلاقيها سهله زى
البنات الى هنا

- لا بس السهل الممتنع الى يعقد حاجه كده...

ضغط على شفتيه وأغمض عينيه بإستفزاز ليستحث
غيرتها فقالت:

- متهدا على نفسك فيه ايه بنات مايعين اصلاً

- لأ بس مياعتهم حلوه

حياء بپرود:

- معلش

انفجر ضاحكاً من ايموجي وجه الضفدع الذى بدا
على ملامحها

أمسكها من خدودها وقال:

- بتغيري عليا يا يوثه

قالت ببرود:

- الغيرة دي حب واللي بيحب مبيعدش وأنا عايزه
ابعد يعني يا بنى آدم افهم أنا اصلا مش طيقاك
أكمل بجديته المصطنعة:

- طيب يا روحى أنا حبيت أعرفك إن اللى بكلمك
عليها هتجيلي كمان شويه جيبالى التصاميم اللى نسيتها فى
الشركه ف أجيب أكل ولا هتعملى إنتى

- ما إن شالله عن أهلها مطفحت إنت أهبل ولا إيه!

دخلت إلى غرفتها وأغلقت الباب بقوه أما آدم فابتسم،
لقد أدرك أنها تجبه وستكون الحرب أسهل الآن

لو تعلم كم يحبها وكم يربكه صوتها الدافئ ويزلزل
نبضات قلبه. كيف تغار من فتاة وهي من يجب أن يغار
منها الجميع ولكنها طريقة الوحيدة لإرجاعها كما كانت.

ظلت حياء في الغرفة تتحرك وتنصت للصوت بالخارج
من وقت لآخر لتعرف هل أتت أم لا، وحينها وصلت
ظلت تفرك أصابعها بإستفزاز وقالت محدثه نفسها:

- هو اصلا ميهمنيش أنا مالى متضايقه ليه! بس هو
مينفعش يحيب بنات البيت على الأقل يحترم وجودى لحد
ممشى .

سمعت صوت ضكاتها بالخارج فخرجت منفعة جداً
وقالت بعصية:

- متقول للمايعه الى معاك دى توطى صوتها أنا تعبانة
عايزه اتحمد
الفتاة برقة:

what's wrong ? -

- بلا رونج بلا زفت سرب البت دي دلوقتي بدل
مشبشبلها وربنا
انفجر ضاحكاً:

- أسرب مين إنتى سامعة رقتها! ده أنا مصدقت إن فيه حاجة تطرى الجوبدل الوش الخشب الى مصدرا هولي طول الوقت، لتكونى غيرانه منها علشان رقيقه وكيوت؟
- مين دي الى أغير منها، انتو الى بتحبو الرمرمة

نظرت إليها بإشمئزاز قائلة:

- فيها إيه يعنى أحسن منى؟

نظر إلى حياء بعمق ونظر للفتاة وهو غير مكترث بها أصلاً ثم نظر لحياء مرة أخرى وقال بهدوء:

- بصراحة مش عارف أبداً منين؛ يعنى مفيهاش غلطة إنتى مش عارف مالك قلبالى فيها فاندأم ليه متخليكي أنتى كده.

قالت بغیظ شديد:

- أنتى! أنا هوريك الأنوثة

جذبتها حياء من يدها بقوة إلى باب المنزل والفتاة تنظر إليها بصدمة قائلة:

what are you doing let me -

ثم نظرت لآدم بدلال، فقال آدم:

- سيبها يا حياء عيب كده

- بص بقا يا تمشيني يا أقعد براحتي وأعمل الى أنا
عايزاه لحد متطلقني.

أخرجتها حياء وأغلقت الباب بوجهها، فوقف آدم
أمامها مدعيًا الغضب بينما بداخله لم يهتم أصلاً لوجود
كرستين أو لخروجها

- إيه اللي هبتيه ده؟

قالت بتأفف:

- متكلمش خالص بلاش قلة أدب

ثم قالت مقلدة صوت كرسيتين بميوعة:

mr. Adam -

انفجر ضاحكاً وهي تغلي فأحتضنها، وقال بصوت
خافت:

- بحبك يا حياء وعمرى مهشوف غيرك

خفق قلبها وحاولت الإفلات منه دون جدوى فتركت
نفسها بين أحضانها، أرهقتها الصراعات بحياتها يجب أن
تهدأ كل تلك الحروب بداخلها لن تقف الحياة على خطأ.

قال آدم بصوت دافئ:

- سامحيني يا حياء

أجابت وهى مازالت متشبهه به :

- سامحتك يا آدم

ابتعد عنها قليلاً وأمسك بيديها ونظر لعينيها مباشرة:

- تقبلى تكملى معايا باقى حياتك

أطرقت رأسها بخجل وقالت:

- موافقة ارتكب الجريمة دى

ابتسم وأكمل بهدوء:

- سامحى عمر

قبل أن تنفعل قال:

- كلنا محتاجين نتسامح لأن كلنا بشر بنغلط، وأنتى

علشان تعيشى لازم تسامحى، المسامحة قوة مش ضعف

تنهدت بحزن، قائلة:

- تعبت أشيل وجع جوايا أنا هسامحه علشان أنسى أى

حاجه علشان مفضلش فكراه فى حياتى أنا سامحته

ابتسم آدم وحملها واتجه إلى غرفته ودخلا إلى الحمام
وطلب منها أن تتوضأ ليبدأ معها حياة جديدة.

صلى آدم بها إمام وما إن انتهوا دعا آدم:

- اللهم إني أسالك خيرها وخير ما جلبت علي وأعوذ
بك من شرها وشر ما جلبته

حملها آدم ووضعها على السرير واقترب منها معبراً عن
شوقه لها في قبلة طويلة حبست فيها الأنفاس غرقت حياء
في دفء أحضانه في ليلة هادئة لا يسمع فيها إلا صوت
أنفاسهما المضطربة

استيقظت حياء على صوت يناديها:

- حياء فوقى.

حياء بتعجب:

- آيات إنتى إيه الى جابك هنا أنا رجعت مصر إمتى

رجعتى مصر إيه يابت إنتى اتبليتى

نظرت حولها كأنها تبحث عن ضالتها وتساءلت
بتعجب:

- آدم فين؟

آيات بدهشة:

- مين آدم! إنتى خطوبة عمر لحسة دماغك!

خبطت رأسها بيدها ثم ضحكت قائلة

- يا نهار أبيض هو أنا كت بحلم!

قالت آيات

- أنا كنت جايه أقولك إن فيه منحه من جامعة أمريكية
تدرسى هناك سنه أعتقد إن ليكي الأولويه لأنك تتقبلى
علشان إنتى الأولى ولا انتى نفسيتك متسمحش؟

قالت بفرحة غير متوقعة

- نفسية مين لا طبعاً هقدم

آيات بتعجب:

- مالك يا حياء إنتى مش طبيعية

أغمضت عينيها وقالت بسعادة:

- أصل هشوف آدم.

- مين آدم

- بت متفصلينيش أبقى باركى لعمر بالنيابة عنى

آيات بتعجب:

- يا راجل أباركله! مش دا اللي لسه جايينك من
المستشفى بسببه

تذكرت آدم ونظرت إليها بإبتسامة قائلة:

- مش موقف هيوقف حياتي أنا خلانى محيته من
ذاكرتى.

أدمعت عيني آيات وأحتضنتها بفرحة قائلة:

- مبسوطه إنك فوقتى ولو حتى متأخر

قبلتها وقالت بحب:

- أنا هلبس وأروح اشوف شروط التقديم بياي

- طيب بس حطى فونديشن عشان إنتى قايمه من
تعب شبه اللي بيشر بو مخدرات.

حياء بثقة:

- لا أنا حلوه كده ومستنيه يجي علشانى مش علشان
شكلى حتى لو اتأخر أنا مستنيه وهحافظ على مشاعري
علشان.

نظرت آيات لحياء بإبتسامة واسعة، فقالت حياء مازحة:

- إيه هتاخديلي صورة

- مبسوطه إنك قررتى تدي نفسك فرصة تانيه وتحببها،
كنت متضايقه أوى لما ضعفتي وفقدتى ثقتك فى نفسك

- أوعدك دي آخر مره هتشوفيني ضعيفة أو مش واثقة بنفسي

- ربنا يرزقك بالزوج الصالح إلى يخلى قلبك يزهر من
جديد يا حياء

قالت بمرح

- آمين اللهم عريس شبه آدم عاجلاً غير آجلاً يارب.

وحينما يشاء الله ستجديه أقرب إليك من روحك،
ستجدين العالم كله يتلاشى من حولك وهو يأتى إليك
بكل طاقته حتى لو فقدتها سيأتى حبوا ولو فى آخر بقاع
الأرض، وكأن العالم كله هيئت أسبابه للقاء وسيحلوا اللقاء
فلا تتعجلي حباً حراماً يؤلم قلبك لا تجعلى حلمك مجرد
رجل اصبرى واحفظى قلبك لتكونى حلم كل رجل وإن
تعثرت لا تكثرى فقط انهضي لأن كل عشرة ستنقلك لبداية
جديدة قد تكون أروع مما أردتى «إن مع العسر يسراً».

التواصل مع داركتاب

Email: darkitabone@gmail.com

fasbook : darkitabone

البدج داركتاب

٠١٠٩٧٥٥٣٣٢٨